

四庫全書

史部

欽定四庫全書

史部

浙江通志卷二百十一

詳校官給事中臣戴璐

檢討臣德生覆勘

總校官編修臣含聖脉

校對官中書臣李荃

謄錄監生臣儲夏書

欽定四庫全書

浙江通志卷二百十

列女

九

紹興府

蕭山縣

南北朝

吳翼母丁氏

南史本傳會稽永興吳翼之母丁氏少喪夫性仁愛年荒分衣食以貽里中飢

者同里陳攘父母死孤單無親戚丁收養之及長為營婚娶又王禮妻徐荒年客死丁為買棺器自

往斂葬元徽末大雪商旅斷行村里比室飢餓丁
自出鹽米計口分賦同里左僑家露四喪無以葬
丁為辨冢柳有三調不登者代為送丁長子婦王
氏守寡執志不再醮州郡上言詔表門閭蠲租稅
王氏女南史本傳永興概中里王氏女年五歲得毒
眼皆血出小妹娥舐其血
左目即開人以為孝感

元

吳世澄妻竇氏

徐一夔吳世澄墓誌世澄初配徐繼
配孫末配竇氏世澄歿時竇氏纔二

十有八守節不移撫育前妻
子如己子朝廷旌表其門閭

顧應法妻余氏

於越新編名守元夫歿
時年二十五至正年旌

張鯨妻曹氏

萬曆紹興府志生四子而寡年二十二貧不二志八十六卒

丁京妻吳氏

於越新編元季兵亂吳攜女仁奴出亡遇兵於途將侮之皆不屈死里人立雙

烈祠

楊伯遠妻王氏

嘉靖浙江通志西興人至正間鹹水決堤灌田傷稼其夫充里正差築圩

堰江潮衝激久不能就官督其慢日受楚責王氏痛之割股投於水沙遂漲堤得以成因名曰股堰

鄉里異之
堰至今存

明

陳曙妻張氏

續文獻通考曙聘後貧不能娶父謀改嫁之張引刀自刎母力奪得不死後歸

陳未幾而夫亡張哭之哀
未三月即自縊於寢所

張惟寬妻洪氏

弘治紹興府志年二十四而惟寬死
守節至七十九而沒鄰有徐姓者其

女亦寡徐臨終命其女
曰汝之守節宜效張母

徐黼妻李氏

嘉靖浙江通志黼任晉江訓導妻亡就
彼娶李未期黼卒於官李時年十九父

憐其少戒勿隨行誘之歸集諸姑嫂姊妹懇切留
之乃圖自盡父母遂縱之扶櫬歸葬訓子成立

孫貞女

兩浙名賢錄幼許聘葉氏其鄰有沈氏女者
許聘汪鑑既納采鑑死女聞訃欲往父不從

將自經乃許孫時年十七聞之曰誤矣只死方好
未幾葉氏子病篤將不起孫即潛製斂具已而訃
至孫取殮具囑父母納葉棺尋自
盡太守戴珊躬禮其家以旌異之

汪欽妻周氏

名山藏山陰周氏女年十九適蕭山汪欽欽兄弟五人俱歿獨父湛及母在

夜有劫盜湛起禦之遇害盜盡掠其貲去周號泣曰貲不足惜何乃勿吾舅誓不與俱生挺身訴於

官不獲則走奏京師茹荼三年竟獲盜三十人斬於市

來志妻何氏

蕭山縣志年十八過來嘉靖二年九月夫溺於江何號泣不已距夫亡六日沐

浴更衣繼於床而死

方逢泰妻錢氏

舊浙江通志年十九隨舅姑居京邸逢泰卒錢絕食九日而死

徐中孚妻戴氏

舊浙江通志寡居二十餘年鄰火延至族黨勸之避不從遂焚死

毛京妻徐氏

蕭山縣志名靖瑞京死時年十九親族勸之他適泣而拒之曰禽獸之行豈人

道所為守節八十餘年
冰蘖之操始終不渝

來仲康妻金氏

王世貞來節婦傳年十九歸仲康農家子也有一子甫襁褓仲康死婦方

妊身及期舉子名襁褓子曰五經遺腹曰五倫族之亡賴者利其他適使鄰姬誘之婦嚙指血喫姬面亡賴者恚甚夜縱火焚其舍婦掖姑起跪而祝天火即熄亡賴益恚適溪水漲乃候兒出欲溺之婦夜夢神語勿令兒出久之亡賴者徙去婦始獲安五經長賴敏而文五倫壯未有子市妾入門而有涕容婦問之曰夫貧故見鬻適與所生子別耳婦謂五倫亟返之不復問值郡邑上其節得旌表

年八十
四卒

沈炳秀妻陳氏

蕭山縣志父邁疾贅炳秀於家時氏年十四甫四月炳秀死有富人倩一

達者為媒父為治具氏慟哭且罵媒遑遽走遂辭父歸夫家立夫兄子為嗣斃然一室人罕覩其面

丁貞女

紹興府志許配黃承元將嫁而承元卒氏至喪次視含殮截髮納柩中遂不復歸

韓烈婦

蕭山縣志夫張宏思住西河貞節里家素溫飽舅姑沒夫日事遊蕩竟至窮甚先鬻其子

後計其妻氏僅三旬聞而泣曰焉有婦人而事二姓者乎夫方與人議嫁禮而氏已投繯死

王氏二節

紹興府志王延祚妻黃氏崇禎間延祚為應天檢校過夏津遇兵夫婦被執擊延祚

垂斃黃給卒曰釋此我當與汝取寓中財物卒信之黃揣夫脫去乃曰我死即死矣何財之有遂被

害後四年子令高為臨清守城將陷妻黃氏赴井死

周貞女

舊浙江通志周來蘇女許山陰余本通未嫁而本通死聞訃即往守制嘗自誓曰妾貞如

竹異日墓上當令枯竹復生及葬送者以杖植之皆抽葉如其誓

傅氏二節

蕭山縣志徐氏傅承寵妻俞氏傅承宸妻承寵未娶得癰疾徐父欲悔之氏不從卒

歸傅調護曲盡至六載寵卒承宸方娶而病瘵距六月亦卒二氏為妯娌守節並篤俞氏之父憐女少欲奪之氏自刃頻死乃止邑令楊維喬為作雙節傳

徐鳳梧妻魏氏

蕭山縣志鳳梧死氏年二十惟一子復被人畧賣筑處一室突常無烟夜

以草薦自覆或勸之改適至以勢惕之氏曰人患不能死耳他何畏焉乃止後子長脫歸漁釣為業

以養其母

吳馴妻蔡氏

題旌冊年十八而寡時萬厯十七年也母憐其苦諷之改適氏引刀自刺其臂

泣曰若有他命吾頸視此耳一日同舍火起延及氏屋氏抱孤向天哀號須臾風返火熄夫葬即穿

壙其旁以誓同穴守節五十六年

國朝雍正十年具題奉

旨建坊旌表

沈雲英

蕭山縣志刊誤父至緒武科進士雲英少隨父出入京師能馬射通春秋胡氏傳崇禎間

隨父任道州守備流賊寇道州父出戰為賊所殺掠其屍去雲英年二十自率十騎束髮被革直趨賊砦乘賊未集伍連殺三十餘級負父屍而還湖撫王聚奎奏請降勅以雲英為遊擊將軍使仍領父衆會其夫賈萬策為都司守荊州南門流賊陷荊州被殺雲英號呼曰吾命絕矣因哭辭詔命扶父柩回籍貧無食開塾於家訓其族中兒族中兒習胡氏傳者悉師之

金玉鯨妻孫氏

舊浙江通志明末避兵湘湖遇遷者以刀砍玉鯨倒地執氏欲污之氏怒

詈復欲殺其子子奔啼乃自盡又一時以節死者趙逢元妻張氏王九龍妻戴氏皆沉湘湖來冠朝妻何氏來逢盛妻黃氏來冠倫母俞氏妻任氏沈驤妻來氏皆於長興鄉赴水黃奇英妻于氏來裕之女及婢小春皆赴水楊守程妻湯氏抱石投池來逢時母王氏自縊張家村楊梅樹有被掠而殉節者胡光樞妻徐氏奪刀自剄來夢齡妻程氏投白馬湖韓時雍妻來氏寡居二十載赴水徐喬椿妻沈氏乘間自縊龍山嶺翁氏二女長女年十六許字汪姓幼女十四未字經珠墅橋躍入水王國幹妻俞氏為土寇所害蕭山縣志王國生妻徐氏傳日新妻戴氏俱赴水死

象山婦

紹興府志兵掠至錢清禹會橋赴水死居民獲屍衣皆縫紉具棺葬之歲時致祭題為象

山烈
婦云

丁岳妻汪氏

徐元福妻張氏

衛輅妻汪氏

王茂妻沃氏

王渭妻胡氏

翁堯妻蕭氏

徐堯卿妻李氏

丁露妻陳氏

張誼妻黃氏

周大器妻徐氏

丁令金妻瞿氏

王廷相妻任氏

包曾義妻孫氏

單之祥妻盛氏

王宗岱妻張氏

陳夢蘭妻張氏

王命正妻戴氏

徐茂芳妻孫氏

徐世道妻張氏

何之杞妻黃氏

張芳春妻徐氏

黃方妻來氏

張孫祥妻周氏

周邦儒妻張氏

張試妾陳氏

洪緒妻鄭氏

沈聖基妻施氏

蔡一亮妻史氏

國朝

趙應榜妻丁氏

紹興府志夫死苦志守節躬親操作至耄未嘗怠順治十三年具題奉

旨建坊旌

表

周萬紀妻童氏

蕭山縣志歸周五載夫歿一子方襁褓家貧備歷諸艱貞操愈勵

何之楠妻黃氏

題旌冊歸何六載而之楠歿子又早夭葬舅姑躬任拮据以節終以上

二氏俱康熙九年具題奉
旨建坊旌表

賀國祚妻蔡氏

蕭山縣志年十八適賀生子昌圖甫七日夫歿家貧有嫠姑躬操作以奉

菽水昌圖歿又撫五孫俱成立苦節五十載康熙十二年具題奉

旨建坊旌表

蔡恂妻王氏

題旌冊年二十五而寡時舅姑亦病氏外延良醫內調湯藥時時寬慰舅姑乃

漸愈撫幼叔鞠孤子尤辛勤倍至康熙三十年具題奉

旨建坊旌表

陳六姑

題旌冊年十七未字有俞裔臣者矚室無人潛入欲汙之六姑大呼不從震動鄰人裔臣

驚逸六姑閉門自經死康熙五十三年具題奉

旨建坊旌表

王氏二節

題旌冊趙氏王德璋妻夫死時年二十一立姪為嗣守節至六十二歲卒汪氏王鈺

妻鈺早卒氏事孀姑撫幼子年踰五旬清白無玷

以上二氏俱雍正二年具題奉

旨建坊旌表

沈士瀾妻王氏

題旌冊年二十一而寡繼子承祧霜操不二

戴嘉棠妻朱氏

題旌冊年二十一而寡孝事舅姑撫育幼子成立守節三十年

王圖鞏妻吳氏

題旌冊年二十一而寡事舅姑以孝教子有成守節三十五年以上三

氏俱雍正三年具題奉

旨建坊旌表

王氏二節

題旌冊金氏王奇勲妻年二十四而寡立姪為嗣守節四十六載吳氏王鐔妻年二

十七而寡孝姑撫子年逾六十雍正六年具題奉旨建坊旌表

趙繼日妻黃氏

題旌冊年二十五夫亡撫遺孤守節至九十五歲當初寡時有欲奪其志

者氏不為動事姑二十餘年紡績奉養時或不給至揭屋瓦以易升斗而自甘飢餓不使姑知也里人皆稱其節孝

倪潤妻金氏

題旌冊年二十九而寡守節至七十六歲而卒以上二氏俱雍正七年具題

奉旨建坊旌表

吳樞妻陳氏

題旌冊年二十三而寡事姑撫前室子守節三十年雍正十年具題奉

旨建坊旌

表

陳日泰妻范氏

題旌冊年二十六而寡撫子守節二十六年雍正十一年具題奉

旨建坊旌

表

丁君平妻鍾氏

題旌冊年二十六夫亡子幼氏紡績以給饗養子長為娶婦早夭遺一孫

氏復撫教成立守節四十五年雍正十二年具題

奉

旨建坊旌

表

楊文登妻何氏

題旌冊年二十一夫亡事姑孝撫遺孤自幼至長教以義方自奉極儉族

黨中有貧乏者輒出所積

以周之守節三十二年

田氏二節

題旌冊田嘉時妻張氏及其子田雲漢妻
郎氏嘉時卒張年二十五子雲漢尚在襁

褓撫長婚配生二子雲漢卒郎年二十七
媳冬夏一幃晨昏一室紡績撫孤足不踰閭張守

節三十一年郎守節三十二年
上三氏俱雍正十三年具題候旌以

來斯行妾張氏

蕭山縣志山東東平州人父昌官千
戶母王氏遭蓮妖亂不屈而死因鬻

於斯行為妾斯行即世斷髮秉節順治丙戌避寇
湘湖寇至為所執欲汙之氏豫縫衣帶堅不可解

罵賊被
刃而死

蕭君梁妻徐氏

紹興府志抱幼子避難遇兵殺子掠
氏氏兩手抱木不放衆叢射之至死

不屈

單人傑妾張氏

舊浙江通志避亂湘湖兵欲汙之氏不從赴水死

富時異妻徐氏

蕭山縣志年十八歸富富長山農民也甫四十日夫死將葬氏乞於姑營

雙穴不允遂自經於墓側

陸道見妻徐氏

毛奇齡陸節婦傳陸守訓母也青年守志族人利其產一日誘孤至柳巷

刃之忽後有呼殺人者迴視則黃衣道貌者也因竄去孤傷左頰血蒙面仆地黃衣出藥塗之扶孤扣母門母急訊故轉瞬不知所之乃以為神也於是謀所以遠害者僦母家居焉躬自課讀長為之婚復故居恢先業子姓繁昌苦節之報也

翁大捷妻王氏

舊浙江通志大捷客死柩歸氏撫棺哭曰吾不敢自盡者因柩未歸耳今

而後死可同
穴矣赴水死

張氏二節

蕭山縣志魏氏張堯仁妻年二十五夫亡子師賢方四齡堅志守節師賢娶李氏二

十歲而卒子方在襁褓
李事姑育子孝慈備至

張蘭莊妻王氏

蕭山縣志年十七適張明年蘭莊卒殯葬畢氏以杖植墓前曰吾能完節

枯竹當再生後
竹果生以節終

胡氏二節

公舉事實胡恒妻金氏胡文熊妻金氏娣姒也俱二十二而寡初恒妻寡時姑曰家

貧爾年方盛毋以我故久稽也金涕泣不從事姑益虔及文熊卒其妻欲自縊以殉姑曰爾有遺孤宗祀係焉且爾伯姆孀居爾兩人其相依為命無徒死為於是飲泣承命事姑課子恒妻守節四十

九年卒文熊妻守
節二十五年尚存

何之棟妻朱氏 周應明妻來氏 葛堯勳妻陸氏

孫應訓妻單氏 來孫芝妻韓氏 於奇玉妻徐氏

徐一曾妻黃氏 任元齡妻徐氏 蔡文治妻來氏

黃岳齡妻倪氏 黃化龍妻蔡氏 施懷榮妻華氏

任士進妻蔡氏 沈大球妻徐氏 張上甲妻朱氏

張邁妻韓氏 王洪珽妻華氏 王基妻蔡氏

徐世薦妻楊氏 陸一龍妻沈氏 王長祚妻沈氏

王承乾妻李氏

許同寅妻蔡氏

王承式妻來氏

戴萬象妻來氏

單匡周妻來氏

朱大棟妻任氏

任五仁妻童氏

王之麟妻朱氏

何愈高妻王氏

陳繼魁妻朱氏

韓麟妻蔡氏

蔡國治妻來氏

張全甲妻王氏

魯良驥妻金氏

蔡良祐妻郎氏

蔡君球妻趙氏

單彛妻楊氏

鄭龍章妻陳氏

王鴻京妻蔡氏

張濬祥妻黃氏

葛士俊妻陳氏

章國光妻樓氏

王圖昌妻倪氏

林楠妻任氏

陸守舜妻陳氏

戴元簡妻沈氏

王士驤妻郭氏

胡心傳妻黃氏

沈士蘭妻黃氏

張文廣妻富氏

王附翔妻楊氏

張大阡妻王氏

魯士升妻蔡氏

來彰妻童氏

周建泰妻陶氏

王延社妻詹氏

周維京妻童氏

錢士鵬妻張氏

許學熹妻婁氏

諸暨縣

南北朝

賈恩妻柏氏

宋書孝義傳恩母亡未葬為鄰火所逼恩及妻柏氏號哭奔救鄰近赴助棺槨

得免恩及柏俱燒死有
司改其里為孝義里

屠氏女

南齊書孝義傳諸暨東澆里屠氏女父失明

採夜紡績以供養父母俱卒親營殯葬負土成墳
鄉里多欲娶之女以無兄弟誓守墳墓不肯嫁為

山賊
刳殺

宋

倪夢應妻孟氏

兩浙名賢錄夢應早世孟刻苦不嫁
以冰霜自勵而訓子孫獨以仁厚餘

粟出糶必縮直十二三歲
以為常時以比叔斛夫人

王友任妻方氏

萬厯紹興府志友任父厚之所積書
籍甲於海內友任卒子澹尚存懷抱

氏聞樓居藏之嘉定中柄臣遣使者書幣指求再三竟謝不與

元

楊敏妻齊氏

兩浙名賢錄年十八敏卒子甫周歲舅姑欲奪其志齊斷髮破面抱其孤向舅姑哭曰我為死者守孤忍令此孤之無歸乎舅姑怒令自食齋居斗室晝夜紡績以資養舅姑卒托老婢經理其家閉門不出開一竇以通飲食如是者二十年年六十七卒

章瑜妻傅氏

輟耕錄年十八適瑜瑜為苛吏脇軍興期會迫死道上計至傅氏蒲伏抱屍而

歸號泣三日夜不忍入櫬屍有腐氣猶依屍呵含冀甦既入棺至嚙其棺成穴及葬投身壙中母強挽以出未百日母欲奪志語聞遂大慟連日不食母囑侍婢謹視之閱數日給婢曰吾當浴若理沐

具俟予旣而失所在明日婢汲井見二足倒植井中乃氏也楊維禎為之贊

張英妻莊氏

兩浙名賢錄至正乙巳張士誠攻城氏被執度不可免厲聲大罵曰爾輩鼠賊

耳敢肆行無禮執畧衣冠子女乎我死即死奪我終不可得也賊怒挾其口而死

王琪妻蔡氏

元史本傳至正二十二年張士誠陷諸暨蔡氏避之長寧鄉山中兵猝至有造

紙鑊方沸遂投其中而死兩浙名賢錄賊驅其從婢婢曰主母死我可驅乎賊怒殺之

趙宜震妻郭氏

兩浙名賢錄名靚元季亂夫婦伏莽蒼中數月始歸而宜震死郭年少苦

節遺孤從師以練布為幘師辭之乃令孤致辭曰非此無以成弟子禮苟憐死者而及其孤則請勿辭後疾革呼其孤曰爾旣有成我以得死為幸遂瞑

明

周本恭妻趙氏

宋濂周節婦傳名淑始歸而姑卒既而舅及兄公如亦相繼死兄公子顯

宗幼婦相夫飭喪治葬育顯宗如子歸十一年生三男夫卒婦年二十九明年國朝與偽吳拒戰兩兵交焚掠家資無纖毫存婦抱兒及顯宗出走匿惟持田籍以行深山窮谷間飢餓顛踣削木膚采藜藿以食或勸之曰呱呱者何足恃婦剪鬢髮益自裁戢人莫敢近兵定歸富民侵其田幾盡婦持籍與辨卒賴以完知州高其行乃復其家

樓氏四節

萬厯紹興府志樓師忠妻斯氏名鞠字妙善元末避亂山谷間師忠出負米罹鋒鏑

卒斯年二十六後一年師忠弟師實亦遇遊兵卒妻何氏年十八師實弟師彰卒妻陳婉年二十一

從子珏又卒妻錢年二十九皆不嫁人稱一門四節又有吳璟妻鄭貴澄璟弟璠妻鄭貴深璠弟瑛妻黃昭從子儉妻斯氏亦一門四節

李氏二節

弘治紹興府志王氏秉適同邑李通與通弟遠妻阮氏貞並早寡以志操自立備經

飢亂遠遁深山得以自免親族勸使再醮二婦歎曰吾寧餓死肯為是哉洪武初旌表

俞氏三節

弘治紹興府志俞瀟妻童氏年十六歸瀟未幾而瀟死童剪髮納棺誓不再醮瀟仲

弟滋妻趙氏季弟潤妻金氏亦相繼夫歿趙惟一子金惟一女妯娌並守志紡績養舅姑撫子女人

以三節稱之戶側產異竹縣令蔣昇以聞旌其閭

孟貞女

嘉靖浙江通志名蘊許嫁蔣文勗未成婚文勗卒蘊年二十聞喪號慟歸蔣氏執喪三年

養其舅姑盡孝
宣德中旌表

酈浹妻馮氏

於越新編名寶娘適浹未數月浹卒馮年二十三以姪為嗣苦志自守一婢有

殊色人求娶馮命之辭曰
願與主母同老終不嫁

蔡溫妻吳氏

於越新編年十六歸溫明年溫卒守節八十五年至一百一歲乃卒

何暎賢妻黃氏

諸暨縣志年二十歸暎賢比孀居值亂兵焚掠遭驅迫冒死誓拒被刃而

殞時盛暑屍橫野至
五日始殮神色不變

蔡鉞女

舊浙江通志名六主及笄王虞兩姓爭婚致訟不已六主恥之剪髮誓為貞女

余獅妻曹氏

徐溥仁妻洪氏

駱黼妻錢氏

駱宗迪妻鄭氏

酈煉妻楊氏

呂元鎮妻傅氏

劉子美妻吳氏

徐夢旦妻王氏

胡斗輝妻許氏

周之德妻柴氏

盛鳳鳴妻孫氏

傅大詔妻郭氏

袁仲解妻黃氏

酈元翀妻周氏

孟蘭妻傅氏

陳憚妻俞氏

陳隱妻張氏

鄭復修妻酈氏

孟夢蛟妻孫氏

國朝

壽芳楷妻斯氏

題旌冊年二十五而寡守節三十九年

鄺經妻蔣氏

題旌冊年十九而寡守節四十七年
以上二氏俱雍正二年具題奉

旨建坊旌

表

陳首安妻周氏

題旌冊年十六歲夫亡斷髮毀容
誓守繼子承祧苦節至五十一歲

余九霞妻錢氏

題旌冊年十九歲而
寡守節三十二年

樓縣亮妻鄭氏

題旌冊年十九歲而
寡守節六十八年

郭琦妻鄺氏

題旌冊年二十三
而寡守節十九年

趙友齊妻楊氏

題旌冊年二十三而
寡守節四十一年

何兆隆妻詹氏

題旌冊年二十四而
寡守節四十九年

何兆鼎妻陳氏

題旌冊年二十四而寡守節三十三年

樓拱壁妻酈氏

題旌冊年二十一而寡守節五十二年

袁爾倬妻許氏

題旌冊年二十二而寡守節三十四年

趙宏猷妻郭氏

題旌冊年二十五而寡守節一十六年

方爾棟妻樓氏

題旌冊年二十六而寡守節四十五年
以上十一氏俱雍正三年具題

奉

旨建坊旌表

傅愉妻張氏

題旌冊年二十三而寡無子止二女愉兄憬亦惟一子無可繼者氏事舅孝舅

沒女亦有歸已而愉姪侵盜其產畧盡貧不自給苦節至六十六歲而終雍正四年具題奉

旨建坊旌表

何習讓妻王氏

題旌冊年二十二而寡撫姪為嗣守節二十九年雍正五年具題奉

旨建坊旌表

陳弘個妻許氏

題旌冊年二十六而寡立繼承祧守節二十五年雍正六年具題奉

旨建坊旌表

周遇暉妻戚氏

題旌冊農家婦也年二十一夫亡長子在襁褓次在腹人勸其他適氏斷

髮毀容堅拒之事翁姑孝鞠二子成立

湯大姑

題旌冊湯舜臣女許字趙源未婚源卒大姑年十九父母不以聞姑偵知之堅請奔喪至

則執喪成禮事舅姑盡孝服闋父母憐其少復強
之他適大姑服滿者再皆以救甦後舅姑歿歸母
家守志終其身以上二氏俱雍正七年具題奉
旨建坊旌表

郭民效妻呂氏

題旌冊年二十歸郭生一女夫病瘵
及革謂氏曰父母生我一人我死誰

供子職乎氏泣曰倘不幸子職卽婦職也夫卒氏
年二十五事舅姑及庶姑養生送死無遺憾女長
又殤立繼以續烝
嘗守節四十八年

蔣義妻孫氏

題旌冊年十八歸義二十五而寡孝事
舅姑教子具有法度性好施里人有代

客貿布而失之者將鬻其子以償氏出貲以
全其父子鄉黨稱之曰義守節三十二年

孟德名妻應氏

題旌冊年十六歸孟二十一而寡子
女幼氏事翁姑孝姑患腹疾氏懷兒

侍樂中裙廁踰躬自湔滌舅姑卒力營喪葬子歿繼姪為嗣守節三十五年

鄺鼎錫妻錢氏

題旌冊年十七適鄺二十而寡無子猶子女適素文潤亦早孀依母以

居氏偕女靜坐一室跣步不離守節三十七年

壽貞女

題旌冊名鳳姑許字謝世琮未婚世琮卒氏請於父奔喪守制三年父母迎歸於家有勸

之他適者氏斷一指為誓守貞三十九年 以上五氏俱雍正九年具題奉

旨建坊旌表

葛蕃妻濮氏

題旌冊年二十八而寡事姑撫子夫兄欲奪其志截髮毀容以死自誓雍正十

年具題奉

旨建坊旌表

趙次範妻周氏

題旌冊年二十三而寡事姑撫子雍正十一年具題奉

旨建坊旌

表

周魁先妻徐氏

題旌冊年二十七夫亡遺孤一氏事舅姑孝舅沒事後姑並謹後姑疾侍

湯藥衣不解帶者歷寒暑勿懈姑疾瘳而氏病不起守節二十年雍正十二年具題奉

旨建坊旌

表

郭錦妻孟氏

題旌冊錦官平陽教諭父年逾古稀不欲之子任所氏居家奉侍十餘載先意

承志舅與夫相繼卒子卜地葬父氏恚曰爾祖未葬奈何先營爾父兆域乃分上下穴合窆焉雍正

十三年具題候旌

王祖念妻陳氏

諸暨縣志順治乙酉方兵焚劫脅氏隨去氏縱身投沼內死越三日家人

收其屍顏
色如生

徐承明女

舊浙江通志年及笄未字丙戌遇遊兵縛之上馬過全湖女躍入水死

郭陳二烈

諸暨縣志蔣氏郭增妻俞氏陳守義妻順治四年遇兵於途將汙之蔣堅不從奪刃

自殺俞見其夫
被殺亦自刎

傅有益妻應氏

諸暨縣志順治丙戌六月亂兵至氏恐為所辱投屋側塘內死又余長二

十一妻吳氏
被掠投塘死

陳賓妻王氏

諸暨縣志年十五歸陳甫五載夫疾劇嚙氏曰我兄弟必不相容請改圖毋使

我泉壤遺憾氏不應適畫工傳夫容氏請併己容
入焉傳成語夫曰此同歸意也逮夫卒殯殮成禮
氏從容至樓端
坐投繯自盡

鄭復修妻酈氏

諸暨縣志年十八復修亡舅病劇酈
割股療之有女適樓姓者不數月而

夫卒矢志勿二人以
為得母氏之教云

呂貞女

紹興府志許字俞文昇文昇卒女髻髮編衣
願終身於俞舅欲奪之女益矢冰蘖舅年七

十續姑生子虹姑死女
育虹至長年六十餘卒

孟氏五節

諸暨縣志戚氏孟大壯妻二十五而寡六
十九歲卒黃氏孟大有妻十九歲而寡八

十一歲卒大有子應瑞娶楊氏二十二而寡六十
九歲卒大有孫二明琦娶楊氏二十三而寡年六

十五明珠娶翁氏二十五而寡年五十九皆力貧守志養老撫孤世著貞節一門繼美

長清嶺烈婦

紹興府志康熙十三年土賊朱德甫踞諸暨紫閭山官兵進剿有一卒繫良家

婦并其幼子於馬後隨行婦好謂卒曰吾既被獲從汝固宜但夫止一子今在此吾夫必來俟其至以子歸之然後任汝所欲卒許之行可半日至長清嶺其夫奔而前婦請於卒以其子付夫度其去已遠遂投巖死

宣拱妻宋氏

紹興府志拱卒無子拱兄君修狡而貪氏年甫十七容髮姝麗淮安巨商適諸

暨見之以多金啖君修將縛氏置輿中擁至寓第鄰婦知其計告之氏唯唯無一言更強歡笑遂密縫其上下衣夜開門至下壩塘投水死時康熙二十二年十一月十三日也天寒冰結氏死層冰下

君修求之不得疑匿他所頃之狂風怒起池冰裂
開數尺聲若雷吼僵屍蹶起寒峭如生冰結衣服
間稜稜然觀者成市士民聞於縣轉申督撫拊蔡
烈婦祠因名其池曰殉節池池水汙濁自氏死後
澄碧
如秋

顧氏三節

公舉事實顧英奇妻石氏年十五歸英奇
逾年而寡舅姑勸改適不許躬紡績以供

甘旨其娣姚氏顧網四十八未婚妻也幼育於顧
與石氏寢處一室相懽如同產順治三年土寇竊
發石年甫十八姚年十四度勢不能保約與俱死
婢秋桂亦慷慨願從一日寇猝至三人相抱同赴
三江口磨心潭死
秋桂年十五姓蔡

陳仲學妻應氏

陳有謨妻翁氏

陳瀛緒妻孟氏

錢宋肅妻蔣氏

朱濂妻沈氏

張國光妻俞氏

陳烈妻傅氏

陳克智妻王氏

陳紹炳妻王氏

酈一俊妻壽氏

酈吉士妻周氏

周一鼎妻宣氏

孟立志妻陳氏

周祚明妻詩氏

王之佐妻袁氏

石學漢妻袁氏

許黌妻壽氏

馬孟元妻趙氏

餘姚縣

宋

岑斌妻王氏

兩浙名賢錄早寡或利其裝欲強委禽氏曰是賈禍也盡散以周宗黨晚年子

全登科有司欲上其節行於朝氏令全謝之曰夫死守節婦人之常以此得名非吾志也有司高其

識卒年

八十二

莫子純母虞氏

兩浙名賢錄幼習詩書既歸莫則力任祖作晝夜無所厭苦夫死焚券舍

責趣其子子純就學發解南宮及廷試俱第一子純連補外夫人無愠容常曰吾憂吾兒不及古人他復何覲故子純克奉母教以恬裕聞

元

楊彥廣妻董氏

萬厯紹興府志董仲安女名淑真生子鎮甫歲餘彥廣死氏年十八以死

自誓

高義婦

嘉靖浙江通志許嫁張氏子已而子病瞽其家使媒來曰吾子不幸瞽惟改卜所歸父母

將諾之婦涕泣曰命之所遭義無離貳今夫不幸瞽我遂棄之何面目立人世耶父母悟卒歸於張

養夫以終老鄉閭高其行號曰義婦

王伯純妻張氏

於越新編年二十一而寡守志不貳被旌

韓孚妻黃氏

嘉靖餘姚縣志名妙權歸韓五月而寡誓不再嫁至正初千戶伊喇知其有殊

色欲娶之媒者以權貴動之氏叱之曰千戶受朝命鎮撫民者乃欲奪寡婦志耶伊喇不敢復強既而方國珍驍將葉某欲脅娶之氏操刀劃檻曰敢越此戶議婚者吾以頸血濺之葉聞而歎曰吾為男子受大將付託臨陣顧不能死彼婦人乃獨肯輕生誠羞之自是無復敢言卒全其節

明

姜榮妾竇氏

於越新編京師人為餘姚姜榮妾正德中榮自主事謫判瑞州適缺守榮護郡

符華林賊攻城榮出拒戰城破賊入榮舍竇匿其符被掠以行慮榮未知符所有郡民盛豹在賊中還竇乃密語以符所且曰吾必死矣歸報官府毋我念至花塢村見道旁有井伴渴求飲賊縱之遂投井死事聞詔表其門立祠祀之

姚孝女

名列女傳適吳氏父早世迎母養於家母出汲被虎銜去女追掣虎尾虎欲前女掣益力

尾遂脫痛甚舍母而逝藥之獲愈奉其母二十年

諸士俊妻舒氏

續文獻通考名貞年十八歸士俊數月士俊死於商姑念其年幼謀嫁之

以死自誓慕貞者乃重賂其父母私盟之貞知不免給父母治齋薦夫齋畢沐浴衣麻自經死

吳江妻李氏

嘉靖浙江通志夫死李年二十有黃某者謀娶之因其夫族吳琰貪賄乃厚賄

琰使輔其姑而以尊刼之李誓死不從則陰與黃氏及父家約稱其母暴病遣輿迎李李倉卒升輿既及門非母家也姑亦尋至布几席速李出輿成禮李度不可脫佯諾曰妾所以不嫁者為姑老無倚姑既許妾復何言然必湯沐乃可成禮辭色從容衆以為誠從之久而不出闕戶視之則已自經矣

丁時妻孔氏

錢德洪慈節傳丁行母也年二十三而夫亡長子任方二齡行孕未彌月茹飢

服寒治麻泉為食二子長脩贄使求陽明弟子事之任又早世歲乙卯倭入寇行負母以逃賊至縛

行母奮身救護賊斷其左臂死之
行血泪交下賊亦動容遣之歸葬

王棋妻朱氏

錢德洪王節婦傳棋之祖諸父渭皆天
祖母胡母嚴少寡食貧棋又短折婦年

二十二生子練甫數月瘠田數畝量所入為十二
分每月用米一分煮粥作糜沉者奉姑浮者自食
苟是月有意外之需借月米措給則忍餓勤作以
補不足不移餘月之儲糠粃糟蘖樹根蕨實莫不
遍食以自度又掩覆其事以慰姑心練長教之持
書隨人問字久乃出課童子以助母食嚴壽終婦
割田易貲以終喪葬積勞
成病而歿得壽五十有八

沈烈婦

嘉靖餘姚縣志莫潤妻也莫暴悍不能治生
婦早夜勤苦紡績養姑而身恒凍餒既生子

食益不給莫晝夜促其妻曰一日不怕羞三日喫
飽飯汝好為之沈曰但有丐乞爾莫曰乞來食豈

能飽我婦泣曰除此但有一死莫乃陰與富者約改嫁之婦遂縊死其前有任鵬妻某氏者鵬死年少親屬欲奪其志自沉於江有葉某妻某氏者夫死姑奪其志縊而死近時有胡東昇妻魏氏東昇以死縊

汪氏五節

萬歷紹興府志汪錦妻大符氏汪桓妻宣氏汪材妻小符氏女吉媛汪季妻夏氏嘉

靖三十二年遇海寇俱不屈赴水死

張椿十七妻陳氏

舊浙江通志夫死止一女氏自誓靡他女長于歸一日鄰姬有詈失

雞者語稍侵氏曰吾以息女故忍死以至今日今女已有家乃不能死而受辱彼婦之口即登樓閉戶絕粒其家人涕泣饋飲食氏自戶隙接而置之終不食如是者十日不死自縊而絕

史茂妻谷氏

明列女傳父以茂有文學贅之於家數日鄰人宋思徵債於父見氏美遂指逋

錢為聘物訟之官縣令馬從龍察其誣杖思而遣之及氏下堦茂將扶之以行氏故未嘗出閨閣見隸人林立而夫以身近推而遠之令望見以其意不屬茂也立改判歸思思即率衆擁輿中而去母隨之至思舍氏呼號求死斷髮嚼母遺茂思族婦數十人環相勸慰不可解乘間縊死令聞之大慚捕思思亡去茂感義終身不娶

朱孔思妻白氏

舊浙江通志蘭州人適餘姚朱孔思思以縣尉需次卒於京殮畢氏自刎

靈前賜葬建坊有司春秋祀之

金一龍妻黃氏

明列女傳一龍早歿氏截髮自誓與姑相依崇禎十五年熊氏子欲娶之

母黨利其財給令還家間道送於熊氏知勢不可挽願搜括所有以償聘金不聽相持至夜深引刀自刎未殞其姑聞其事急趨熊視之氏曰婦之所以未即死者欲姑一面耳今復何求遂刺喉以絕邑令聞之斃熊氏子於獄

王烈女

舊浙江通志王篤菴女年十三許字黃百學未歸篤菴菴殉難女為營將所掠有劉弁欲娶

之奪劍自刎弁義之以劍殉其葬

徐陳二節

餘姚縣志徐士觀妻孫氏夫喪畢不食死陳尚禎妻景氏夫死亦自縊死

孫元吉妻陳氏

魏仲孫妻霍氏

滑志能妻汪氏

邵宏學妻汪氏

史錦妻楊氏

徐遠妻祝氏

王忠妻陳氏

胡鏜妻謝氏

徐選妻張氏

黃忠妻周氏

吳天祚妻陳氏

毛暕妻潘氏

胡悅之妻黃氏

楊芸妻薛氏

謝選妻陸氏

徐文元妻章氏

聞人才妻黃氏

諸永言妻鄭氏

魏朝龍妻孫氏

潘秉彝妻徐氏

黃綺妻范氏

余乾妻施氏

史鸞妻陳氏

任正妻潘氏

邵潮妻鄒氏

張一致妻蘇氏

邵童妻陸氏

韓塤妻項氏

翁璧妻錢氏

王紳妻范氏

王綺妻鄒氏

顧蕙妻高氏

顧蒞妻王氏

王煥妻陸氏

王烜妻陳氏

黃稔妻章氏

黃國宗妻應氏

周如登妻沈氏

謝用模妻呂氏

諸璋妻蔡氏

史立恒妻潘氏

唐景禹妻徐氏

陳孟愷妻傅氏

邵岱妻陳氏

陳克華妻楊氏

諸璧妻李氏

陳有智妻李氏

陳有容妻姚氏

楊山妻徐氏

聞詩妻李氏

嚴金妻翁氏

楊九韶妻羅氏

鄭養銳妻于氏

滑鳳妻陳氏

翁守成妻韓氏

翁宗實妻袁氏

翁輝妻周氏

施良心妻吳氏

邵洪化妻洪氏

國朝

阮邦尹妻張氏

題旌冊年二十四夫亡苦節自持時上有翁姑下有三子氏婦容不飾紡

績奉養康熙二十五年具題奉

旨建坊旌表

謝某妻傅氏

題旌冊年二十八夫亡矢節教子春景子卒又教諸孫曾有成歷七十餘年壽

百歲先是翁姑在堂氏事之甚孝姑常祝之曰好媳婦願汝多壽多子孫至是果驗康熙五十二年

奉

旨建坊旌表

邵煊妻朱氏

題旌冊年二十而寡事後姑先意承志姑晚年病牀三載氏調湯藥衣不解帶

獨任勞勩不以委之他人雍正三年具題奉

旨建坊旌表

謝盈若妻景氏

題旌冊年二十三而盈若卒氏矢志不二守節二十八載雍正六年具題

奉

旨建坊旌表

蘇滋忭妻聞人氏

題旌冊年二十四歸滋忭為繼室滋忭舉進士授四川丹稜縣之任

卒於途氏時年二十七迎柩於途哀感路人家貧罄奩資竭力營葬撫教前妻子新鍼為諸生有文名氏晚年猶勤女紅未嘗聞笑語聲雍正八年具題奉

旨建坊旌表

表

朱葵忠妻周氏

題旌冊年十七歸葵忠葵忠亡周年二十八孝養舅姑舅姑病輒顧天求

代及卒喪葬盡禮教子不吝脩脯嚴於督課至夜分絡緯聲猶與書聲相間也守節三十二載雍正

九年具題奉

旨建坊旌表

毛應昌妻洪氏

題旌冊年二十五夫亡舅因哭子喪明氏奉養十年克盡孝敬及歿經營

喪葬撫子成立雍正十年具題奉

旨建坊旌表

華志登妻厲氏

題旌冊年二十八而志登卒氏撫子守節四十三載雍正十一年具題奉

旨建坊旌表

鄭子凝妻朱氏

題旌冊年十九歸子凝甫半載子凝卒舅姑以長子之次子為之後氏長

跪請曰姪與媳年相若願更得幼者舅姑贈之乃易以弟襁褓兒也氏撫教成立守節三十八年

翁成德妻葉氏

題旌冊年二十三夫亡遺孤未晬氏毀容自勵子稍長每泣語之曰吾不

望爾貴顯第能讀書吾願畢矣子受母教讀書入泮姑早喪舅年八十餘疾篤隣人不戒於火將延至室氏長號頓天曰舅病不能出氏豈能獨全乎言訖回風返火人咸異之守節三十五年

周諸嵎妻蘇氏

題旌冊年二十九而寡無子以猶子為子屏絕膏沐終身布衣椎髻守節

二十五年
旨建坊旌表

以上三氏俱雍正十二年具題奉

黃鏞妻汪氏

紹興府志順治五年山寇亂鏞與汪氏俱被執逼汪上馬不從斫之仆地至家

而絕時又有黃聖質妻姚氏兵逼之以兩手抱桑樹斫其首首倒垂而抱如故又黃文備女兵逼之

雙手握其裏衣斫死其手猶不可拆姚婦馬氏被
驅出門投洋溪死沈之泰妻吳氏事迫亦自縊死

茅貞女

餘姚縣志名志茅其蕙女許字陳廷鑑未納
采而陳死富室張氏子聞其賢力求焉將舉

媒妁女沐浴更衣自經以死

鄭養銳妻子氏

紹興府志年十七歸養銳未幾卒家
貧夜織絰課兒苦讀尤敬事舅姑得

其歡心子光國
順治戊子舉人

陳四七妻項氏

餘姚縣志歸陳數年而夫死舅姑勸
之改適氏曰舅姑無他男何以為活

未幾舅姑死家業零落
廬舅姑墓側紡績自給

嚴三接妻錢氏

公舉事實氏幼喪母育於祖母趙年
十四祖母疾篤氏刲股投藥而疾愈

後父病亦如之夫病亦如之股凡三創而三愈姑患臘翁患腸皆衣不解帶奉侍不倦

徐宏基妻胡氏

鄒光繩妻葉氏

鄒光紀母郁氏

孫德光妻魯氏

盧時遵妻黃氏

朱岐妻李氏

韓子龍妻陳氏

鄒珽妻柳氏

陳大魁妻邵氏

吳文龍妻徐氏

鄒應高妻陳氏

沈景怡妻劉氏

蔣煜妻童氏

邵洪化妻翁氏

倪洪炎妻許氏

王貽植祖母黃氏

上虞縣

漢

曹娥

邯鄲淳曹娥碑上虞曹盱之女也盱能撫節按歌婆娑樂神以漢安二年五月時迎伍君逆濤

而上為水所淹不得其尸娥年十四號慕思盱哀吟澤畔旬有七日遂自投江死經五日抱父屍出度尚設祭誄之

上虞孝婦

後漢書孟嘗傳上虞有寡婦至孝姑年老壽終夫女弟誣婦厭苦供養加鴆其母列

訟縣庭郡不加尋察結竟其罪孟嘗為吏知枉狀備言之太守不為理婦竟冤死自是郡中連旱二年後太守到官嘗具陳冤誣之事因曰宜戮訟者以謝冤魂庶幽枉獲申時雨可期從之刑訟女而祭婦墓天應澍雨穀稼以登

謹按萬厯上虞縣志作包孝婦

孟淑

於越新編中郎將質之女當嫁適聘禮至為盜所刦淑祖對戰不敵見害淑以致盜由己哀慟

毀形曰淑以身害祖雖活何顏於是自經而死

宋

朱娥

宋史本傳上虞朱回女也母早亡養於祖媼年十歲里中朱顏與媼競持刀欲殺媼一家驚潰

娥獨號呼突前擁蔽其媼手挽顏衣以身下墜顏

刀曰寧殺我毋殺媼也媼以娥故得脫娥連被數

十刀猶手挽顏衣不釋顏忿怒斷其喉以死事聞賜其家粟帛其後會稽令董皆為娥立像於曹娥

廟歲時配饗焉

顧生妻俞氏

徐一夔上虞顧生墓誌穆爾古蘇為元守越生團結鄉兵以應方氏侵上虞與

戰遇害其配俞氏盛年而寡事姑以孝聞教其子皆有成立寡居三十年能使家貲裕於夫在時冰

雪自守前後如一

日內外無間言

明

柳氏二節

宋濂柳氏二節傳柳宗遠妻唐氏及其子桂之婦陳氏也初唐年二十三歸宗遠事

其姑孝越二年生子桂而宗遠卒苦心瘁力營粟帛以養姑命桂學詩書姑年八十餘乃終桂長娶陳氏為婦逾年桂亦卒陳年甫二十四或憫陳無子勸其再配陳哭曰吾姑不負吾舅吾敢負吾夫乎吾寧即死柳氏牖下不願聞他語也乃與姑相依以居姑食然後食姑寢然後寢家內外事必告

而後行姑婦
孝愛如母子

盧氏二節

弘治紹興府志盧用濟妻陳氏年二十二而用濟歿無子抱夫姪伯寧為後伯寧長

為娶婦樊氏亦早
卒姑婦相依至老

孫景雲妻鍾氏

萬厯上虞縣志景雲登進士授玉山令夫婦相敬如賓氏年二十二而景

雲卒於官且乏嗣氏至夜分密設椅桌於夫之座右沐浴更衣繼於座上厥明姑舉其屍於袖中得銀一錠題曰買棺詔旌其門而景雲亦祀名宦云

陳氏三節

萬厯上虞縣志龔氏陳榛之妻年二十夫亡撫子國華娶沈氏國華亦亡沈年二十

一遺孤文奎長娶馮氏未久文奎又亡三世孤燈僅延一息事聞詔以三節旌其門

葛璋妻蔡氏

兩浙名賢錄年十七歸璋明年璋卒里中兒屠某謀欲娶之其姊蔡妯娒也假

他事給與姊會而屠從傍竊視之氏覺哭曰何顏再生人世耶奉舅姑夜膳畢沐浴服衰自縊死

成孟吉妻唐氏

萬歷上虞縣志夫卒氏年二十一遺孤甫五月室如懸磬老姑相依為命

父母諷使更適繼且逼之唐斷髮跣足若廢人然由是無敢言者養姑育子至七十餘終

盧憲章妻俞氏

於越新編年二十生子女各一憲章卒子亦卒誓無他志有富室欲娶之

者俞聞即縊以家人救得免復有陳姓貴者以威力脅之俞度不免乃給入更衣竟縊死時隣有金婦孀居聞之亦自縊

唐氏二節

萬歷上虞縣志許氏唐亮妻亮卒許年二十四遺孤偉為娶錢氏偉亦早世錢年方

十九事姑孝養剪髮自誓後姑喪明錢扶持益力姑婦相依如母子者四十年

范廣瀚妻吳氏

萬應上虞縣志年十八適廣瀚二年廣瀚卒貧無立錫叔廣汚迫令改適

窘辱備至氏嚙指截髮自縊者數四里媼有憐之者曰汝家貧無倚復遭內訌何自苦如此氏泣曰吾知有死耳豈負亡夫哉淚墮皆血矢志益堅竟以壽終

徐萬選妻陳氏

上虞縣志幼而警敏知書能詩年二十適萬選萬選病羸死家人環哭忽

不見氏亟呼之已扃門縊矣救之移日始甦自是絕飲食父母來奪之歸奄奄不起一日遣人抱遺孤復姑且口占詩送之曰今日兒生離明朝娘死別兒去不知娘娘死向夫說遂瞑一紙置拇指間云尋夫萬選妻陳氏七字將殮取手中紙堅不可拔時年二十六

陳孝女

上虞縣志陳志竣女天性篤孝及笄值母病劇剪股以進母死女亦哀號哭泣以死

潘景鏞妻俞氏

俞宗琳妻章氏

劉禧妻陳氏

張廷揚妻陳氏

葉廉妻祝氏

陳大純妻史氏

徐廷仁妻丁氏

曹顯妻呂氏

曹琪妻屠氏

車廷珏妻朱氏

徐彥明妻孫氏

羅明二妻王氏

姚守約妻宋氏

葛棐妻劉氏

顧院妻何氏

劉鳴陽妻黃氏

陳宏兆妻倪氏

竺方妻薛氏

徐郡妻馮氏

徐振德妻丁氏

唐應奎妻呂氏

林苓妻胡氏

葛之泰妻徐氏

徐如山妻邵氏

許成義妻陳氏

俞仲溥妻陳氏

國朝

倪子瀚妻周氏

題旌冊適倪七載而夫亡守節十七年至四十三歲而卒雍正二年具題

旨建坊旌表

黃榮昌妻羅氏

題旌冊年二十三姑亡夫繼歿無嗣氏拮据二喪盡禮服闋祭畢即闔戶

自縊叔姑救甦與夫之寡嫂同居共撫姪原成立年八十四猶勤紡績雍正三年具題奉

旨建坊旌表

范氏二節

題旌冊姚氏范鼎泰妻羅氏其媳也姚年十九姑與夫相繼亡遺孤自起僅周歲家

貧其兄勸之嫁姚手執裙刀厲聲曰兄妹也何出此言必欲相逼有死而已勤苦撫教自起補弟子員初娶某氏無子早亡繼娶羅氏生一子三歲而自起卒姑媳雙寡撫孤廷耀成立生三子能繼家聲雍正五年具題奉旨建坊旌表

羅益茲妻蔣氏

題旌冊年十八適羅夫卒於京氏年二十八子甫周歲計聞氏念夫柩未

返乃鬻簪珥同父蔣星移姪蔣某赴京奔喪而父與姪俱卒於外氏隻身扶三柩歸里育子成立守節至六十歲而卒

潘元賓妻陳氏

題旌冊年二十歸潘姑孀居病瘋臥牀即脫簪珥營醫藥歷久無倦六載

夫卒彌留時語氏曰吾素知子志病姑弱子惟子是賴氏涕泣受命於是奉養並度訓子益力守節三十
七年

潘世貴妻周氏

題旌冊年二十四歸潘二十七而寡家貧舅姑老氏嘗每食不飽而舅姑

甘旨必備子長教以詩書家聲不墜守節三十一
年以上三氏俱雍正九年具題奉

旨建坊旌
表

趙顯伯妻柴氏

題旌冊年二十適顯伯閱一載而顯伯亡繼姪志學為後家貧鬻衣飾以

養舅姑衣飾盡則晝夜紡績以給朝夕有憫其勞
瘁者氏曰吾夫彌留之際以兩老人托我敢自愛
其力耶舅姑壽終營喪葬守節三十四年雍正十
二年具題奉

旨建坊旌表

張宏議妻王氏

題旌冊年二十二夫亡子未晬姑老且病性卞急臥床褥間有所欲即難

致者必立購以進呼之雖中夜不敢遲頃刻姑沒喪葬盡禮子稍長督課甚嚴不為姑息愛守節三

十二年雍正十三年具題候旌

王肅三妻張氏

舊浙江通志順治戊子山賊亂被縛置馬上經交水橋躍入水中觸石破

顱死又徐炳龍妻陳氏避匿黃家畝不辱被害謝宏濟妻車氏山賊陷城躍入城河死車元衡妻徐

氏以利剪刺喉死

鄭宗英妻張氏

舊浙江通志山寇出沒氏與其姑避入珠龍山忽有寇至掠張以行行里

許乘寇不及防
躍入施家池死

葛承憲妻陳氏

上虞縣志年二十三承憲亡子幼先
姑族有盜者承憲擯斥之秉承憲亡

欲殺其婦及子氏避得免盜焚其廬後苦積復構
堂伯某以祖塋盜賣於人氏罄家貲以贖事舅孝
課子二龍三
友俱邑庠生

周國光妻章氏

上虞縣志國光死氏年十七族人以
無子家貧勸之他適氏持刀欲自殺

遂莫敢言形影相弔苦
節數十年始終不二

謝采妻葛氏

紹興府志當未適時采冒狂疾及嫁殫
力調護垢穢不辭年二十五采卒氏以

死自誓病
不服藥卒

宋大賓妻黎氏

上虞縣志年二十大賓患病決歲漸劇氏即治棺及殮衣各二人皆異之

大賓歿殮其夫訖隨衣所治衣自縊於棺側墓葬皂李湖東

唐裕妻張氏

趙之鼎妻張氏

趙則乾妻陳氏

張起龍妻項氏

鍾強妻任氏

曹夢斗妻王氏

徐啓聰妻李氏

陳尚禮妻俞氏

石元道妻陳氏

陸尹淳妻陳氏

謝國武妻王氏

陳元新妻龔氏

徐祿妻章氏

金文煥妻竺氏

朱寰之妻張氏

鍾省一妻虞氏

唐聞樂妻潘氏

陳允敬妻謝氏

陳鼎和妻顧氏

王寅妻陳氏

陳範妻袁氏

馮宸鑣妻符氏

徐承宣妻陳氏

謝宏功妻徐氏

陳季玉妻黃氏

嵎縣

晉

公孫夫人

於越新編剡人失其夫姓名以節操聞鈕滔母孫氏為之作序贊

南北朝

韓靈珍妻卓氏

南齊書孝義傳會稽剡人靈珍亡無子氏守節不嫁慮家人奪其志未嘗

告歸

陳鏐

兩浙名賢錄刻人少寡與二子居好飲茗宅中有古塚每飲先祀之二子欲掘去母禁而止夢

一人曰吾止此三百餘年賴相保護又饗吾佳茗雖潛壤朽骨豈忘翳桑之報及曉於庭內獲錢十

萬陳年九十終

元

商淵妻張氏

於越新編名貞時兵亂聞白泥墩有一婦掠於軍賦詩自經曰一旦危急當如

此至正年兵至果赴水死

胡氏妙端

輟耕錄適同邑祝某至正庚子為苗獠擄至金華縣將妻之義不受辱乘間齧指血

題詩壁上已赴水而死
繇帥服其節為立廟祀之
曰烈女廟詩曰弱質空懷
漆室憂搜山千騎入深
幽旌旗影亂天同慘金
鼓聲搖鬼亦愁父母劬勞
何日報夫妻恩愛此時休
九泉有路還歸去那箇
雲邊是
越州

明

張氏二節

嵎縣志張彥聰妻范氏及其弟彥明妻錢氏范年二十一適彥聰五年舉一子甫週

夫卒錢年二十九子在襁褓夫亦卒妯娌矢志靡他家貧值兵興喪不能舉二婦日夜號慟鄰人憐之相與舁觀葬先塋側二婦攜孤廬墓傍洪武年旌表曰雙節

盧氏二節

弘治紹興府志西寧衛知事盧允中於洪武十五年西征而沒婦許氏年二十六允

中弟允端亦早亡其婦黃氏年二十四泣曰盧氏不幸先死於外弟歿於家吾妯娌命薄故耳相與竭力奉姑人稱其孝
二婦各年八十而終

應源妻錢氏

於越新編名宜源贅之無何源還父家卒宜年十九聞計偕母往觀殮母促之

返宜曰此兒家也焉返耶已而營夫墓即造兩穴既葬母又促之不得已偕返勸之嫁不可令隣媼諷焉又不可母強未已乃引繩自縊覺而救之姑聽歸夫家源無子以姪則民為子年八十餘卒弘

治間
旌表

姚旭輝妻屠氏

嵊縣志旭輝貧役於公氏勤紡績供舅姑或不繼遭詬詈則婉愉以承之

夫免役歸家益窘謀出婦婦痛陳堅志詞極酸楚不聽乃密紉裏衣夜啓戶出抱石沉百尺潭而死

裘烈女

紹興府志許字史自和未娶自和罹重辟入獄女欲一見之不可得聞以讞出女隨父至

南溪隔樓遙問曰君可終脫否自和謂獄成無生理願子自擇良偶女投淚歸自縊死

羅某妻黃氏

舊浙江通志夫喪舅且菴夫弟欲亂之氏覺密緹其衣不寐者累月竟自縊死

李廷獻妻周氏

嶧縣志夫歿氏年二十三遺孕三月小姑屢危之謂孕未必男男未必長

氏曰孕即非男男即不長吾無他志生子振才孱弱小姑曰如不保奈何須早為計氏志益堅雖凍餒屢經不少變

謝源妻袁氏

王瓊妻石氏

王慕妻陳氏

王訓妻韓氏

王應坤妻李氏

王莊妻張氏

王應星妻施氏

王和賓妻姚氏

王繼選妻俞氏

姚安輝妻吳氏

姚學箕妻王氏

姚仍妻孫氏

李光堯母胡氏

吳有本妻石氏

鄭郊妻王氏

吳梓三妻詹氏

鄭蕃一妻諸氏

鄭景六妻鮑氏

鄭本深妻胡氏

金汝發妻鄭氏

國朝

錢斐章妻邢氏

題旌冊年二十一喪夫舅姑父母勸其改適氏聞言即涕泣誓死遂止雍

旨建坊旌表

正五年具題奉

周思孝妻盧氏

題旌冊歸四載夫溺死氏奔哭溪邊欲以身赴水其姑曰爾有遺孕倘得

子吾兒猶不死也今俱死我何望乎亦欲投水氏遂止於是奉姑撫子守節終身

尹定宸妻王氏

題旌冊夫死守志養舅姑撫子以終

宋君惟妻沈氏

題旌冊夫死家貧甚守節事舅姑喪祭盡禮人稱其孝

孫嘉馨妻王氏

題旌冊夫早亡氏守志不二家貧孝事舅姑冰霜之操始終如一

商貞女

題旌冊許聘吳志洽未婚而志洽卒女聞計即欲奔志父母不許乃易服誓志守貞以

上五氏俱雍正六年具題奉旨建坊旌表

趙義日妻朱氏

題旌冊年二十一夫亡遺娠生一子又孱弱多疾而氏堅操不二卒能撫

孤成立守節三十三年雍正八年具題奉
旨建坊旌表

錢鼎為妻馬氏

題旌冊年二十三夫亡舅姑老氏養生送死無遺憾撫三歲子至弱冠遊

庠守節三

十三年

喻恭咸妻王氏

題旌冊年二十三夫亡遺一子殤乃撫族姪為嗣撫訓成立家故有宗祠

春秋會族人祭祀歲久傾圮氏獨捐資重葺守節五十七年以上二氏俱雍正十三年具題候旌

周某妻夏氏

舊浙江通志居鹿苑山官塘順治丙戌山寇突至殺其夫與家屬八人見婦麗

欲辱之不
屈死於刃

周清新妻胡氏

嵊縣志胡承達之女適周後歸寧母家下相村適山寇至逼不受辱被創

母金氏冒死奔救並遇害時又有鄭品二妻陳氏被逼投長橋潭死尹燦妻唐氏逃難入山仇家掠其貲懼辱死之

沈祖述妻陳氏

嵎縣志年十五夫亡遺腹生子守暘娶吳氏守暘亡婦亦守節無嗣繼一

子娶吳氏夫又夭克繼貞操有司表其閭

邢克威妻胡氏

嵎縣志年十九夫亡氏兄弟以無子欲奪之氏曰兄弟不我知尚誰望焉

遂自縊死

孫清五妻張氏

嵎縣志父名俊貧弱獨居沙塢贅清五相依里有劣生董信謀奪其婚訟

於官縲繫其父兄氏曰以我一人貽一家辱我不死事不白遂閉門自經死

孫日恭妻吳氏 錢子文妻吳氏 錢雲集妻邢氏

過廷用妻奚氏 過廷舉妻王氏 裘曰彥妻張氏

裘廷器妻王氏 裘繼旻妻周氏 裘允登妻應氏

裘三策妻史氏 裘尚友妻應氏 裘素妻吳氏

史原壽妻陳氏 史佳元妻邢氏 張璫妻王氏

張侈妻邢氏 董和妻姜氏 吳振寰妻劉氏

周亮德妻尹氏 周琅妻呂氏 周亮清妻錢氏

周謹妻馬氏 周家祺妻邢氏 邢便善妻商氏

邢宗妻張氏

邢魯母錢氏

邢堯妻商氏

邢本肅妻朱氏

邢鑑妻吳氏

邢鎮妻史氏

邢釵妻吳氏

許如朝妻葉氏

周璉妻俞氏

周楞妻高氏

尹琦妻趙氏

尹紹信妻魏氏

尹志本妻張氏

尹志尚妻韓氏

鄭金妻宋氏

喻通妻王氏

胡成義妻周氏

袁祖興妻張氏

丁一松妻董氏

新昌縣

宋

劉安世母石氏

兩浙名賢錄新昌石亞女安世除諫官以母老辭母曰諫官當捐身報國

汝但好為之若得罪流竄無問遠近當從汝後果南遷石欲與俱安世百端懇免不聽徧歷惡地母

子終無恙

石烈女

兩浙名賢錄石公巖女方臘寇縣女被執給曰願容粉澤賊聽之取刺刀自剄死

張行先妻王氏

於越新編早寡矢死靡他咸淳中以子貴封太孺人壽百歲

呂瓊妻石氏

兩浙名賢錄瓊逃元難溺死錢塘江石適歸寧夢夫告之故且云側室吳氏今

育男六指盍歸視之石氏寤而駭愕徒步走歸則生男果六指也既喜且泣已乃得夫凶問遂哀泣

撫孤與
吳偕守

元

張減妻章氏
於越新編名孝行至元二年從姑逃亂為軍所掠不從遇害姑在叢棘中抱其

屍慟哭
而絕

黃元珪妻余氏
成化新昌縣志至元丙子歸寧父母值南征軍馬過縣母家被火家人走

散軍卒擁余氏出自知不免奮躍入火而死

周烈女
元史本傳周如砥女年十九未適人至正二十年鄉民作亂如砥與女避於邑西之客僧

巖女為賊所執賊曰吾未娶當以汝為妻女曰我周典史女也死即死豈能從汝耶賊遂殺之如砥

時為新
昌典史

張彌遠妻謝氏成化新昌縣志至正庚子三月為賊所擄迫脇備至不屈而死

明

唐方妻丁氏

名山藏名錦奴洪武中方為山東僉事坐法死妻子當沒入官押卒欲挑錦奴

從錦奴借梳掠髮錦奴擲梳地下予卒卒掠畢持還錦奴不受竊謂家人曰此輩無禮必途辱我不若預為計行至陰澤崖峭水深四無援路從肩輿躍下投水中衣厚未沉以手斂裙隨流而逝押卒數輩驚救至則死矣

今稱其處曰夫人潭

石士嘉妻呂氏

成化新昌縣志名清明婚三月而寡時年二十守節至七十八而終姑蘇

沈周為作
石節婦詩

石孝女

名山藏父潛洪武末坐事籍沒繫京獄妻吳走依父家以居一日潛亡歸匿吳吳兄弟懼

連坐遂殺潛投尸大窖中時孝女襁褓耳既長問母曰何無父族母告之故女大悲憤永樂初年十六舅氏以配其族子女白母曰殺我父者吳也忍事其家廟耶母曰我不幸寡事不由我奈何及期已屆將治裝歸吳禮賓未畢女雉經室中衆驚愕詰其母母仰天哭曰吾女之死為父報讎也號慟數日亦死有司聞之為治殺潛之罪

吳八娘

於越新編父縉早卒女未及笄母石氏泣謂曰我幸有孕若生男則汝父為不死矣奈家

貧何女誓曰倘天祐我父使有弟願在家輔之後果生男遂堅守前誓母欲為贅壻不可曰有壻即

有外心遂終身不事粉澤日夜拮据無少怠年七十六卒葬銅坑陳家塢

丁烈婦

萬歷紹興府志御史劉忠器之子婦也忠器居官廉既歿諸子不善治生家益窘氏拮据

茹荼卒不能支其夫欲鬻之氏不可夫潛受聘氏歎曰婦有二夫犬彘也乃沐浴更衣自縊死

張氏二節

新昌縣志董氏張舜士妻伉儷甫及期夫遺疾瘡彌留時遺命他適氏以死自誓後

垂老病革取導髮角簪一枝以從殮簪利徹過半蓋與夫所誓故物也子尚才娶石氏而矢石與姑同守人謂之清河雙節

章爾程妻張氏

舊浙江通志張立朝女夫亡舅宗愚任四川灌縣流賊陷城氏與父皆在

署中父遇害氏抱屍恸哭罵賊自焚死

何遵道妻呂氏

王廷玉妻石氏

張堽妻章氏

俞鈇妻王氏

石湜妻吳氏

呂廷安妻張氏

潘憲榮妻王氏

章懷德妻張氏

陳晬妻呂氏

張懷經妻袁氏

張伯蘭妻丁氏

俞明德妻董氏

呂仲易妻蔡氏

妾韓氏

呂原學妻俞氏

陳蕢妻王氏

趙學柱妻俞氏

國朝

呂亮中妻陳氏

題旌冊夫亡無子年方少艾家貧甚誓不再嫁姑老紡織供養不怠雍正

六年具題奉

旨建坊旌表

呂新憲妻張氏

新昌縣志生二子夫亡二子繼喪或勸以他適即持利刃自刺隣母力救

免自後藏利刃於枕晝夜織紵自給以終其身

王茂芝妻梁氏

新昌縣志生一子甫三歲茂芝卒氏誓死不二父母微諷之輒大慟入粧

閣書衣衿云裙釵自是一孤身節比松筠不改真父母豈知情誼重願將完璧報良人自是勤紡織供姑甘旨姑傷足痛楚氏扶掖撫摩揩拭臭穢歷十餘年姑忽起行坐如舊人以為孝感

孫景山妻呂氏

舊浙江通志有營卒犯之呂堅拒不已自以剪刺喉死

俞氏三節

新昌縣志石氏俞應允妻年十九歸應允三載生子心尹未數月夫亡其姑黃氏亦

年二十六而舅秉佳亡守節家貧石遂與姑同寢處紡織自給撫育心尹長娶翁氏生孫二翁亡續娶呂氏又生孫五而心尹亡呂氏年三十亦同姑苦守貞節之操後先輝映云

呂曾櫛妻陳氏

陳世彰妻俞氏

陳學尹妻潘氏

陳修疆妻何氏

呂忠顯妻章氏

呂爾葉妻潘氏

章乃成妻呂氏

楊應春母蔡氏

楊應春妻舒氏

楊曰煥妻王氏

陳日章妻潘氏

石宏化妻張氏

袁大器妻胡氏

袁鳴聲妻俞氏

陳昌言妻俞氏

潘以秀妻袁氏

呂泌妻李氏

潘沐日妻呂氏

俞立道妻韓氏

浙江通志卷二百十

欽定四庫全書

浙江通志卷二百十一

列女

十

台州府

臨海縣

五代

賀氏二孝女

戴良齊二娥傳臨海賀朔之女大曰英如小曰華如同乳而母卒父以不利棄

之三日夜不死隣姬勸遂舉年十九力過健兒井白機絲捷便如神長興二年八月一日父漁海溺

死二女號泣江澚求父屍不得遂投江其異母弟瑄年十三追至三山巖見所躡履曰二姊逝矣仰天悲號呼父呼姊不絕聲亦投於江次日二姊一弟手足相挽抱父屍而浮至巖下去其父所溺海門外三百餘里人哀而異之為收葬焉

宋

朱伯履妻陳氏

赤城志臨海人年少夫亡有欲奪其志者陳氏拊膺慟絕旣甦引刀自剄

姑亟奪之乃免事父母舅姑至孝舅得風眩疾侍湯藥不懈者八年姑老齒豁手調甘旨以養壽百有一歲庭有梅實萱穎之祥詔封安人表門閭名其巷曰節孝

王夷仲妾唐氏

葉適王葉母唐太孺人墓誌臨海王葉之母唐寧海農家女初夷仲貧甚

其室賈年已晚猶身治爨滌舅族憐之為致唐氏
纔十二歲粗箴細縷釜甑盤筵不唯諾而集後十
六年裴生而夷仲與賈相次卒家益衰兄弟析耕
不數斛父母迫以嫁不許曰吾必自斷其髮然後
止又三十年裴上舍及第登朝出守迎母與
俱無纖粟改常度又二十年歿年七十八

石墅妻陳氏

赤城新志臨海人年十八適墅生二子而夫亡家貧甚守志不移事舅姑甚得

婦道咸
淳年旌

周顯妻李氏

嘉靖浙江通志臨海人顯死子敬孫生甫六月氏年二十餘或以家貧子幼議

改適者氏抱敬孫泣曰周氏一脉僅此舍此奈宗祀何孀居四十年如一日卒昌周祀

王貞婦

宋史本傳臨海人德祐二年冬元兵入浙東婦與其舅姑夫皆被執既而舅姑與夫皆死

主將見婦暫美欲內之婦號慟欲自殺為奪挽不得死夜令俘囚婦雜守之婦乃陽謂主將曰若以吾為妾妾者欲令終身善事主君也吾舅姑與夫死而我不為之哀是不天也不天之人將焉用之願請為服期即惟命苟不聽我我終死耳主將恐其誠死許之然防守並嚴明年春師還挈行至崆青楓嶺下臨絕壑婦待守者少懈嚙指出血書字山石上南望慟哭自投崖下而死後其血皆漬入石間天陰雨即墳起如始書時至治中旌之曰貞婦郡守立石祠嶺上易名曰清風嶺

王珏妻張氏

臨海縣志德祐二年元巴延統兵入境珏倡義守城力盡死於左池氏號泣隨

其後亦
赴水死

元

章盛妻楊氏

台州府志臨海人夫早世氏不再適撫孤成立訓子孫孝友三世不分異年九

十二卒延

祐間旌表

韓戒之妻陳氏

赤城新志臨海人名末媼待制剛中女也適戒之及期而寡時年二十二

遺孤方四月誓不他適守節三十八年姊大媼適藁城董士楷亦以貞節聞至正中俱旌表其門

馬義和妻楊氏

赤城新志名善慶臨海人年十六適義和方閏月而義和卒鞠遺腹子應

鳳壽卒敗屋數間茹蔬飯耦守志五十年

朱谷妻楊氏

赤城新志名勤臨海人年十六適谷十載夫與舅相繼歿楊傾貲以奉喪事守

志以撫遺孤其父欲奪之嫁楊以死自誓乃止至正丙午旌表

張紹大妻謝氏

揭後斯張節婦傳氏二十一而嫁嫁

嫁蓬首垢面日夜紡績姑之養必具甘旨已蔬食而已姑久而憐之語之曰汝生長富貴又方盛年不幸早寡而貧奈何以吾老故久罹此苦氏哭拜曰妾生為名家女長為名家婦志願已足不幸早寡命也況有姑以為依有子以承祭祀天之賜妾大矣而敢以貧故有二心於是姑婦相向大哭姑知婦愈信婦事姑愈謹姑年八十八卒喪葬盡禮教二子夢珍夢瑤邑大夫上其事遂旌其門

洪貞女

臨海縣志名靜嫺貢士達善女許字未嫁夫死斷髮誓不再適其姪女名淑年十三曰姑

能如是願終身侍姑遂寢食與偕父母諭之終不肯適人相與績麻置田十二畝為贍老計土人相傳為苧絲坂卒後子姓奉其田為祀產祭祀不絕

明

張邁妻徐氏

赤城新志臨海人邁應貢得鎮南學正氏養姑以居邁在任娶周氏生子瑞邁

卒邁兄某寘周子母獨舁輿以還議嗣氏泣語老僕繆軒曰而翁幸有後委而別立忍乎於是治裝戒軒以往而周意臨海惡地且憚遠莫之肯來子亦不遣氏日夜號慟居歲餘覓一莊客輔軒以行至則訴於官得瑞以歸氏喜曰有以見吾夫於地下矣撫愛不翅己出奉姑以壽終娶陳為瑞配遂有孫三人瑞亦早世婦姑相依兩世一節

許六妻余氏

赤城新志年二十一舅姑與夫相繼喪無子女惟二小姑一小叔曰叔楚氏撫

姑教叔既長各與婚配以己奩具分二姑叔得子曰昌鞠育如己子又育二姪女長成嫁之以壽終

黃氏二女

赤城新志從父姊妹也長名大山適胡宗選次名三奴適吳克表二家相去不數里

其夫皆以稅糧就逮其姊遣人戒妹曰若夫罹譴必貽累妻子宜見幾毋玷辱我家時妹已預決於心慰安子女局戶自縊死既而其姊亦死於舍側池中鄉之士大夫莫不悲之

張暹妻陳氏

赤城新志年十八適暹暹亡遺腹生子手足皆瘋氏撫育之大興厥家孫一曹

孫七元孫十皆富盛節婦年八十八而卒

王三苟妻陳氏

名山藏名小奴居康功里三苟出傭作日暮未歸氏抱女迎候於門忽聞

夫為虎所扼遂棄女於地手執門闌追至山足奮身號叫拽持夫足於虎口中提闌擊虎虎驚去負夫歸而夫死矣時氏年近二十有色嚴正自持村中呼為女御史有土豪欲娶之不從乃率衆擒迫

以歸氏度勢孤難免曰請少待歸莫亡夫除靈即復來豪從之莫畢慟哭出至舍側姜潭上屬襁緝女碎面毀乳投潭而死事在正統時為土豪賄囑不舉成化中乃得旌

朱渙妻楊氏

臨海縣志年十九歸渙未幾渙卒服闋其兄諷之他適氏泣不從乃潛許鄉之

富人氏知事迫遂不復語以裝奩一二物與其伯氏女曰我去後不及送汝于歸也家人莫喻其意至夕猶治女工令其妻先寢遂自經

鄭鎮妻高氏

臨海縣志年十九歸鎮越七年而鎮逝柩在殯火延其居不能舉泣仆於旁火

及身弗去俄而其父至強曳以歸創甚數月而愈食貧撫孤艱苦萬狀年七十五卒

金顯

台州府志既許配而夫病瘋宗族諷其母議改字女聞之不說託言每夕夢二仙女招與同遊

遂自號通真娘子已而衆與母欲奪其志乃泣曰再聘非女道吾惟有死而已乘間入室自經

姚氏二節

台州府志王氏年十八歸姚麓八年而麓卒無子舅姑早喪斃然無依與其膝姜氏

即殯室坐臥跣步不離正德戊辰隣火將及其廬王與姜伏柩號慟願與俱焚鄉人義之為舁以出嘉靖乙酉並旌焉又數年王以疾卒姜先三日而逝

周楞妻應氏

名山藏嘉靖中楞以姻屬被累死無子應年二十五即欲同死以姑老無依乃

殯夫山垆誅茆荆棘間績作奉姑所居比隣懸遠豺虎出沒風雨祁寒或不舉火者累日偶得舉火即以養姑節口忍飢姑卧病十年起坐扶持如一日邑令劉大直歲給粟帛台守譚綸樹其里曰節孝

王漳妻金氏

舊浙江通志歸未期而漳卒遺腹生一女所親諷之再適氏舉斧欲自戕諷者

不敢言撫漳兄之孤如己出
為卑婚嫁孤亡復撫孫成立

徐氏二節

臨海縣志陳氏歸徐暄年十七生子甫週而暄卒任氏歸徐昉年二十昉死止遺腹

四月二氏守志撫孤成立年俱七旬
而卒昉與暄兄弟也時號一門雙節

馮光奴

台州府志馮良攀女許字葛坤年十七未嫁嘉靖戊午海倭焚掠女扶祖母陳入將軍山

茂林中為倭所獲以手引女臂女奮拳擊倭罵曰
便殺我斷不汝從倭揮刀斷其右手五指猶左手
提石擊之倭遂三斷其體陳得免倭退
父收其屍面色如生巡按上其事旌之

范氏二節

台州府志張氏范嬖妻已納聘而范篤疾將議改婚張聞欲死之父母慰止竟歸范

與妾屠氏侍夫湯藥積歲不懈夫卒與屠俱斷髮誓死守嘗兩遭大水不避又鄰火再逼其廬婦撫柩痛哭既而鄰屋俱燼婦所居獨無恙萬厯元年七月初十日忽見舍間石上有光旋繞如篆成齊節二字衆具報府縣為摹刻於石今尚存奉旨建雙節坊

潘汝寧妻王氏

臨海縣志王亮女也歸潘十載夫病劇割股救之不起氏即齋沐告天三

斷其喉而殞萬厯時旌表

侯良遇妻孫氏

臨海縣志年十九適侯次年夫歿妾生一子甫五月氏視如己子舅姑欲

奪其志氏啗血自誓不移舅姑繼死力治三喪子亦成立萬厯間旌表

潘貞女

臨海縣志潘應化女配陳奇策未婚病卒女即絕飲食痛哭七日臨死囑以柩歸陳氏卒

與夫合

葬焉

張宗成妻尹氏

王偵妻羅氏

林啓章妻楊氏

馮九朝妻郭氏

楊邦潮妻張氏

錢胄妻楊氏

董弘中妻黃氏

侯孜妻陳氏

侯思鶴妻董氏

余璣妻陶氏

王忬妻高氏

王玖妻楊氏

鄭晁妻郭氏

林濬明妻李氏

林克明妻胡氏

王宗孝妻趙氏

王宗制妻趙氏

李源妻沈氏

陳普安妻唐氏

秦懋述妻金氏

應宗旦妻項氏

葉紀禮妻侯氏

國朝

馮氏二節

臨海縣志陳氏名珍馮元鼎妻年十九歸馮生三子夫卒時年二十九一夕奸徒利

其所有明火入刦陳夜半倉皇起亟趨殯所賊以棍擊之中腦仆地婢子掖之避曰靈在吾何之乃以身伏柩間不去嫠居三十年教養三孤成立媳戴氏名唐徽仲子繼祖妻也年二十一歸馮甫二載生子甦未週而夫以痘亡兩世孀居並以貞節著甦登進士服官行政每事規以大義屢叨進秩母氏之教為多康熙九年並奉

旨建坊旌表

何文鈺妻馮氏

題旌冊名柔馮甦女文鈺就婚楚雄署中尋歸阻變寶慶而卒時婚甫八

月氏年二十一越三月生子又八年亂靖攜子扶
櫬歸葬事舅姑如事父母訓子綦嚴康熙四十三年具題奉

旨建坊旌表

姚椒姑

題旌冊姚際飛女家貧際飛食力於外一日
母他出椒姑獨處為強暴所逼力拒得脫奔

訴隣姬持刀欲自殺姬護之母歸泣訴遂不食
但曰恨父未歸不得一見也飲泣達曙盥櫛服滿
而死年十九時康熙五十八年四月也數日始殮
面如生郡人競為詩文以祭之事聞奉

旨建坊旌表

党問世妻徐氏

題旌冊問世卒氏年二十誓死不二
夫鮮兄弟氏仰事俯育遇歲饑自食

糠粒而堂上甘旨無缺子亦有成雍正二年具題
奉

旨建坊旌

表

洪霞起妻潘氏

題旌冊霞起卒潘年二十五值耿逆之亂山寇竊發氏懷利刃自隨備歷

艱苦勁節不移事姑以壽終教子復為歲貢生守節五十九年

洪熙載妻王氏

題旌冊年二十四而寡事姑孝謹訓孤有成以上二氏俱雍正四年具

旨建坊旌表

題奉

秦克元妻馬氏

題旌冊克元卒氏年二十六家貧無伯叔仰事俯育一嫠婦肩之朝夕拮

据備嘗荼苦而矢志益堅姑安其養壽至九十

陳嘉謨妻于氏

題旌冊年二十一而寡有欲奪其志者輒自縊鄰姬救免家貧日夜操作

以課子守節四十餘年 以上二氏俱雍正六年具題奉

旨建坊旌表

徐德昭妻沈氏

題旌冊年二十二歸徐二十八而寡訓二子嚴而有法姑亡舅年衰邁父

亦老而無依氏俱竭力孝養皆年踰八旬而終殯葬盡禮守節二十八年

陳露若妻周氏

題旌冊年二十一適陳二十七而寡生子甫週氏事姑甚孝又卜葬三世

之未葬者撫子成立守節三十五年

侯其美妻王氏

題旌冊年十七而嫁生子嘉綏未週歲夫亡氏年十九舅姑老伯叔二人

俱嬰廢疾氏隻身持門戶舅病十八年姑病日四十年氏親奉湯藥朝夕扶掖左右勿稍懈守節三

十九年 以上三氏俱雍正九年具題奉
旨建坊旌表

祝維周妻丁氏

題旌冊維周台州衛後幫運丁也病
夫氏時年二十一撫子成立守節三

年十

馬吉卿妻盧氏

題旌冊年十九夫亡遺一子舅姑早
世幼叔年止八歲氏撫長婚娶亦夫

其妻病瘋氏親調湯藥櫛髮縫紉十餘年無倦容
夫有叔觀艷老而無依氏視之如舅雖親子婦不

及也守節
三十三年

丘拯妻駱氏

題旌冊年二十四而寡
撫子守節三十八年

陳氏二節

題旌冊陳維標妻汪氏妾徐氏維標卒汪
年二十九徐年二十七遺子成憲甫兩月

二氏交撫之每歲時設祭必陳其夫遺書祭畢則舉以示成憲曰此爾父手澤也卒教其子有成汪年五十七徐年六十一而卒以上五氏俱雍正十年具題奉

旨建坊旌

表

秦嗣公妻方氏

題旌冊年二十五而寡事姑撫子守節四十八年雍正十一年具題奉

旨建坊旌

表

徐喜姐

題旌冊台州衛後幫千總徐宏基女幼許字何珖珖父為雲南昆陽知州珖隨任卒於昆

陽喜姐年二十七未嫁也計至登樓自經氣將絕為父母所覺排闥救之得不死勸之不應遂不食而卒珖族人居蕭山感其奇節咸來拜奠雍正十二年具題奉

旨建坊旌

表

鄭氏二節

題旌冊陳氏鄭良妻王氏良子秉忠妻也良卒陳年二十三遺孤秉忠纔三齡有欲

奪其志者不從康熙甲寅土寇抄掠縱火時舅姑
振傳於家氏抱柩哀號願與俱焚燄垂及而風返
火熄閭里異之秉忠長為娶王氏生一子甫四齡
秉忠卒王年二十八毀容自誓孝姑撫子陳守節
四十五年卒王
守節三十四年

何叔才妻余氏

題旌冊年二十五夫亡二子俱幼有
適之改適者氏截髮誓死乃止紡績

撫子各為娶婦生二孫子俱夭復撫孫成立以
節終以上三氏俱雍正十三年具題候旌

鄧士鉉妻詹氏

台州府志年十八歸士鉉順治丙申
正月副將馬信叛遍掠城中婦女入

海為贄士鉉先被繫氏投家園井中死之次日賊再至猶疑為詐士鉉舉示其髮冰矣乃去士鉉服

其節終身不再娶

馮孟浣妻陳氏

台州府志年二十二居近江側海賊入掠孟浣扶屏出避氏抱女隨行遇

賊逼令下船氏抱道旁屋柱不去賊用繩縛其兩手負之而趨氏口咬賊頸賊擲於地取懷中女殺之欲其懼而隨行也氏奮躍大罵曰即殺我死不從賊復咬其手賊怒舉刀連劈之體無完膚三日後就殮面如生

趙齊玫妻張氏

台州府志年十八適趙次年夫卒氏有孕八月舅姑無他嗣矢志奉養既

而產女其姑嘗負宿疾氏左手提幼女右手進湯藥累歲月不憚勞苦

李聯芳妻戴氏

台州府志年二十三生子國梁甫週歲而夫亡殯時遭火與一老僕一婢

悉力扶出三人舉一極人以為得神助嘗謂子國梁曰人不論窮達顧立身何如耳後國梁多善行

鄉里稱之

許遂萼妻張氏

台州府志遂萼卒張年二十七子甫七齡有二婢年尤少氏謂之曰我生

死許門汝當自為計二婢皆感泣願終身無他三人同志操作家政整肅

趙銓妻包氏

台州府志結褵兩載而銓亡舅姑各欲自盡包以遺孕慰解舅姑心稍安既而

果舉一子姑晚年病瘋氏奉湯藥凡十五年卒年七十九

王思維妻應氏

王德化妻林氏

葛元亮妻張氏

高德邵妻章氏 虞國彩妻包氏 周簡妻陶氏

徐天祐妻李氏

黃巖縣

宋

余元卿母吳氏

台州府志黃巖人夫死始生元卿慨然曰我不見夫何忍見子因剔其目

誓不
他適

夏孝女

幼懂小品字阿九年十五一日隨父與其隣樵於山父前與虎遇隣人懼亟升木避之女

見父陷虎口噉號直前執薪鞭虎且鞭且泣踰十步虎棄其父而啖之

曹小娥

車若水黃巖曹小娥述嘉熙戊戌二月晦麻

范為虎得二十輩悉驚潰女執范手推虎而叫曰
舍吾母吾代飼汝也范知不免督督然命之去叫
執愈疾結行數百步虎釋范掉尾拂女跣坐熟視
女以身翼范捧之下尚喘息會拯者至布衾裹以
歸歸死而尸得完里人弔之不能言

徐曰黃虎也吾不得代吾母死也

牟琮妻余氏

台州府志年二十七而孀遺腹四月旁
無伯叔斃不自存還依母家誓死守志

越七月生子昇茹苦撫教逮
長乃復故居壽七十八卒

陳壽齡妻管氏

台州府志年二十四而寡毀容守志
有富家請婚曰許我我澤其孤姻黨

多勸之氏不可曰我寧死終不
易節教子三人皆有才行云

朱仕龍妻蔡氏

赤城新志歸五年而仕龍卒常平使者黃唐聞其賢固以請盡室贊之氏

拊膺慟曰婦無二夫縱卿相我何顏事之終身蓬首垢而奉舅姑以教子年七十五而卒

蔡原迪妻杜氏

台州府志年十七歸原迪越五年原迪卒母勸之改適氏痛憤欲自殺母

不復言事姑甚

謹嘉泰年旌

蔡志伯妻項氏

台州府志樂清人歸黃巖蔡志伯志伯死於兵氏年二十一斷髮自誓性

聰慧族處子多從講解內則列女傳年六十七卒

元

黃侃妻夏氏

赤城新志名德慧樂清人年二十一歸黃巖黃侃八年侃卒氏號慟幾絕食斂

營葬必盡其力
有司以聞旌焉

馬彥奇妻盛氏

赤城新志名真一讀書通經能詩適馬氏未十年而夫死三女一男家無

寸土紡績營生無力延師教子乃口授章句以指
取績麻水作點畫教之嘗有詩云一燈教子丹心
苦半世紉篋白髮新晚年故家士族並
迎之至家談論女則比之曹大家云

陳文先妻蕭氏

赤城新志名菊奴文先以獲賊功授
信州巡檢卒於軍初文先與方國珍

為仇至正癸巳國珍船至黃巖港擄蕭氏及其子
師退次海門將甘心焉蕭氏紿以如廁攜其子同
往推之入水身繼之後數日其屍自海門浮於江
不遠百里直抵舊居州守以聞旌其門給錢營葬

鄭谷祥妻陳氏

赤城新志年二十四而谷祥卒腰周
福兒生一子一女氏撫之如己出至

正年
旌表

洪貞女

嘉靖浙江通志適南塘戴某未至聞戴死弟兄送者皆勸之還洪恸哭曰吾已為戴氏婦

矢遂往殯其夫夫先有一妾遺腹生子洪撫教之卒興戴氏

王揆妻董氏

赤城新志揆為藩王府教授卒於官計至董方剖瓜輒引刀自刎衆奪止之因

慟哭不食而死

詹烈婦鄭氏

赤城新志夫客四明適兵至婦獨攜其子竄山谷中遇兵欲污之婦曰寧殺我

豈從汝也賊遂斬之其首至地凡三躍

丁快妻王氏

嘉靖浙江通志盜起海上焚劫居民王氏為賊所得欲掠而東倉皇請於賊曰

我幼子在抱且母家甚邇幸還其父即從爾去
賊信之如其請王氏望兒入門即投江而死

金彥敬母梅氏

嘉靖浙江通志彥敬四歲而父喪梅氏不忍夫亡遂裂吭以死其子孫居

太平之
小溪

楊伯瑞妻王氏

宋濂王貞婦傳名順榮字靜安年十
七歸同邑楊伯瑞伯瑞官行樞密院

斷事官至正間黠獠兵侵天台伯瑞遇害婦時年
二十七生子慶壽始兩月歲喪還葬於鄉鄉里欲
媚上官以婦美姿容嗾使聘之不從將以威劫婦
遽引刀斷髮事遂寢越三年有權貴人聞其賢強
委禽焉婦拊膺長號悶絕仆地隣人扶齒以藥灌
之移時乃蘇俟間執慶壽手曰吾命婦也不敢虧
節以辱汝父將死於汝父之墓言訖泣而行慶壽
號訴從母林氏亟往救婦以刀自剄不殊林奪刀

挽之歸環守至旦稍懈婦復斷髮如初權貴人悔曰此烈婦不可強也

謹按赤城新志載王靜安天台楊伯瑞妻伯瑞為樞密斷事官又載黃巖王順榮楊伯遂妻宋濂為之傳蓋誤分名與字為兩人也舊通志府志俱因之而分載於元明兩朝今從潛溪集改正

明

程有德妻陳氏

續文獻通考名真洪武間有德以軍生至京鎮撫陸林見陳美欲污之不

從百方脅之陳愈嚴厲遂被毆而死夫訴於朝林以罪誅

趙叔民妻盧氏

赤城新志名津奴生有容色涉畧書史洪武十九年叔民被誣卒於京明

年籍其家氏聞官軍至欲與子俱飲藥既而泣曰汝年方七歲萬一得生未可知我寧就死義不受

辱遂題詩壁上飲藥仆地而絕官軍入門見壁上詩歎曰好烈婦鄉人至今稱為趙烈婦云

王叔英妻女

朝野彙編叔英殉節後詔治奸黨其妻繫獄死明實錄陳瑛簿錄叔英女將給

配二女皆笄就錦衣衛獄俱赴井死

沈思銳妻林氏

台州府志思銳知梧州尋死林氏年二十四攜二子航海歸與妾楊氏同

心守節所居里瀕海多寇攜子依外家竭力撫教至老而卒

徐宗谷妻張氏

嘉靖浙江通志名璩奴宗谷為仇人所害張氏負姑匿巖穴中間道達姻

家泣謂姑曰婦不死以仇未復遺娠未分爾既而生女妾生男張撫字無間明年仇以姑訴受戮張始還家招魂而葬之誓

死無二年五十四卒

謝乾妻趙氏

楊守陳貞則堂序謝鐸祖母趙有志操年二十九而寡以鬢美而殷富也多慕

觀之乃斷其髮俾媒者杜口散其貲俾貪者革心守正秉節老死無易其膝嚴氏齒方踰弱將嫁之

力辭乃與終老

余鑒妻龔氏

赤城新志鑒年二十餘歸自學舍遭風雨溺涇中氏在母家聞之哭仆於地將

絕復蘇至溺所殮其夫屍欲隨以溺家人援之輿歸夫家仍自經而死

林汝殷妻王氏

嘉靖浙江通志年二十歸林未幾夫卒里人陳文白欲娶之氏斷髮以死

自誓其父母防之且勸之力氏佯許焉既久防者少懈乃陰囑侍女分其嫁時服一歸其母一予其妹一以為殮己之具遂自經而死

章子行妻林氏

赤城新志年二十七而子行卒兄憐其家貧少寡欲奪其志氏斷髮自誓

績繼奉姑教二子隆昭知問學台州府志有侍女陳海棠年十六欲遣之即沐浴自經家人救免林

哀其志而留之
人稱雙節云

符松妾真奴

湧幢小品真奴媵鍾氏嫁於符松僕十
三日松死松母解氏尚存鍾有異志奴

諷之鍾怒不省因泣告於解氏曰安人不幸至此
真奴雖欲奉以終身勢不可得惟求他日見安人
之子於地下而已言訖血淚俱下是夜沐浴縊死
松柩上衆議葬之以從其夫鍾竟焚其尸以去同
時邑中有阿菊者從陳嫁於郭崇文生一子而崇
文死陳改嫁菊夜竊其子歸於郭謝方石為之傳
徐顯妻周氏

赤城新志周隨顯為吏於京顯病歿周
痛絕欲與俱死衆勸諭之不已卒自縊

陳溫妾李氏

赤城新志名石溫沒其妻應氏將改嫁石所生子纔數月應百方誘脇堅不可

奪卒撫其子以終身應後每歸輒數曰吾愧無以見爾也

徐元奴

等海圖編有殊色值母病歸寧賊至元奴抱母慟哭賊欲污之元奴給賊轉室持粧奩同

往乘間赴井死

項巽妻徐氏

黃巖縣志年二十七嘉靖壬子倭寇至被執欲污之氏給之曰吾裝在窖室內

願攜之以從賊縱之入室遂赴井死詔旌其門

陳克諧妻解氏

黃巖縣志名縑奴年十五字克諧倭寇犯境克諧娶之以逃至邑西霓橋

其姑分金授之曰賊至當以贖命解泣曰有死而已及賊至遂投河而死

林思貞妻徐氏

赤城新志年二十二夫死遺腹生女其兄憐其少寡欲易其志氏以針刺

目死以自誓養姑至

孝寢食俱與姑同

符洪悅妻王氏

台州府志年二十七夫亡慟哭幾喪明外家欲延醫治之則曰古有剔目

示信者若瞽吾之志也終不見醫者嘉靖間旌

謹按舊通志作蔣洪悅今依府縣志作符

牟氏二節

台州府志俱徐氏一年從茂妻一年顯恒妻皆年未三十而寡食貧守志白首不渝

王湘妻蘇氏

黃巖縣志年二十二生一子而湘亡踰十年子歿有富家欲奪其志氏泣曰吾

守志為夫非為子也必相逼吾即為王氏鬼耳竟守一室晨夕悲號兩目並瞽年六十餘卒

陳堯還妻孫氏

黃巖縣志名端適堯還未幾堯還卒氏年二十三泣血絕粒旬日而死

張氏二節

台州府志張頤妻王氏頤弟甘妻葉氏兄弟相繼亡王年二十八葉年二十六同心

撫孤事老姑克盡孝敬並以完節終

孫季益妻應氏

台州府志父無子以氏贅季益踰十年而季益亡季益兄利其產強氏

他適不從中分所有以安之兄意猶未愜劫季益極以歸氏懇之官斷依父母家守志出公門猶強之不已氏歸自經死

葉氏二節

台州府志胡氏葉備妻盧氏葉洗妻妯娌孀居年俱幼有子俱歿矢志立嗣始終如一

徐本妻林氏

黃巖縣志年二十而寡誓不他適隣火偏其廬氏閉戶哀號火尋熄已值海溢

氏抱夫木主待斃卒得免人謂苦節所感

柯薊妻厲氏

舊浙江通志年十八歸薊越歲生一女三年薊病篤語氏曰吾疾必不起卿年

少家又貧其別事人乎厲拊膺曰妾娘兩月若生男則撫之生女則從君地下耳已而薊卒嚙指出血示無他志宗族來弔者出指示之以杜覲覲居七月生子攻苦鞠養雖家無儲粟處之恬如年七終十

應文照妻吳氏

舊浙江通志歸七月而文照卒遺腹生子錫輅妾楊氏年尚少亦矢志同

守十餘年輅出應童子試三擯首選吳氏卒輅痛不及養愈厲攻苦病作而殀楊晚年苦節靡依詔

旌雙

節

蔡子旻妻牟氏

黃巖縣志名德助年十八歸蔡生一子而子旻卒德助抱屍痛哭遂不食

死而

應氏二節

黃巖縣志王氏應子美妻年二十七而寡撫子文彬成立娶柯氏歲餘文彬亦亡柯

奉姑終身從叔生子甫七日鞠育承繼姑媳一節皆以壽終

陳初妻林氏

黃巖縣志年十九食貧有志操初入城市氏獨居惡少徐十九欲強污之堅不

從十九捶殺之後抵罪服誅

葉某妻鮑氏

舊浙江通志適石嶺葉某年十七而寡一子方週隣人勸以他適氏剪髮自誓

與妾春梅紡績存活雖
日食不繼而節操愈厲

楊心疇妻黃氏

舊浙江通志姑負重疾醫云不治氏斷小指和羹以進得甦既而舅疾殆

又斷無名指救之亦甦獲
享遐齡宗族以為美談

林景韶妻戴氏

余尚再妻鄭氏

張世周妻徐氏

胡璉妻楊氏

王欽妻章氏

楊貴心妻趙氏

謝綰妻趙氏

程宗岳妻陳氏

葛永寧妻陳氏

應珉妻張氏

周如泗妻郊氏

盧永桂妻章氏

牟尚哲妻楊氏

施椿妻郊氏

張燮妻楊氏

徐鷗妻謝氏

牟端妻解氏

張于章妻葉氏

陳一經妻楊氏

符允方妻周氏

施朝妻鍾氏

謝世白妻胡氏

何鳳妻馮氏

王邦宣妻馮氏

池仲廣妻何氏

施升妻葉氏

符舜昭妻陳氏

朱世高妻張氏

趙貴寧妻陳氏

任泮妻何氏

葉景韶妻張氏

王師表妻黃氏

鄭玻妻趙氏

李存泮妻鄭氏

張鉢妻劉氏

李檢妻鄭氏

孫天洵妻池氏

謝慄妻趙氏

徐慶亨妻李氏

孫咸妻盛氏

孫思禹妻張氏

沈興文妻江氏

邾貴學妻丁氏

王天福妻陳氏

蔡德儀妻王氏

王玖妻陳氏

王堪妻邾氏

趙性妻王氏

趙琳妻施氏

張雍妻朱氏

蔡愷妻王氏

彭鏐妻周氏

解茂標妻蘇氏

黃養妻楊氏

趙逢眷妻吳氏

余日秀妻柯氏

余韻妻陳氏

汪復禮妻胡氏

國朝

周斌妻俞氏

題旌冊夫亡氏年二十八三子俱幼家極貧氏拮据葬翁姑及夫養庶姑親教

三子句讀及長始令就外傳則以針指所入為脩脯費守節二十七載子俱成立

蔡元鼎妻余氏

題旌冊年二十四而寡無子妻子躍龍甫彌月外侮疊至家計日落氏與

妾艱苦撫子守節三十二載以上二氏俱康熙五十一年具題奉

旨建坊旌

表

牟文賓妻羅氏

題旌冊年二十七夫卒冰霜自矢立姪承祧守節三十八年雍正五年具

題奉

旨建坊旌表

張衡甫妻管氏

題旌冊年二十七而寡事姑盡孝教子有方守節二十七年

于爾錫妻蔡氏

題旌冊年二十五而寡子甫五齡家貧勤十指以給饗飧守節四十六年

蔡文鳴妻應氏

題旌冊年二十八而寡事舅姑撫二子守節二十四年以上三氏俱雍

正六年具題奉

旨建坊旌表

張志廣妻林氏

題旌冊夫亡氏年二十一子甫週歲家貧紡織以養翁姑翁沒竭履營喪

葬事姑並謹訓子為諸生雍正七年具題奉

旨建坊旌表

楊燿然妻張氏

台州府志有殊色適楊生子甫四月順治丁酉八月海艘泊城氏與其夫

匿養濟院城陷被逼棄其子

自投井中其夫亦投於井

鄭文妻丁氏

台州府志年二十九丁酉海艘破城氏預為計遍紉衣裳避假山井投刃者將

犯之棄其

子投井中

葉嘉賓妻鄔氏

黃巖縣志名純娘丁酉秋海寇犯黃巖氏年少有殊色為所獲不從賊怒

刃之

何汝滔妻趙氏

黃巖縣志丁酉歲寇將入城氏取子泣交於夫誓云設有不測惟以死待

未幾寇集氏即投智井賊以鎗戮氏終不起寇退夫回收殮身無完膚惟兩目不瞑井水赤湧三日又趙日高妻周氏賊逼之投水死

管氏二節

黃巖縣志陳氏管士望妻士望卒矢守五十年如一日子景煦娶解氏週歲景煦亦

逝越兩月產子迪兩寡孤雛形影相弔邑人咸稱世節

蔡氏二節

黃巖縣志陳氏蔡德塘妻氏女姪適蔡宗滔德塘姪也壬子寇至德塘被殺氏年二

十六急抱子女與女姪俱赴水死

黃元卿妻趙氏

台州府志生一子一女年二十一夫卒舅姑憐其少每見之淚下趙解其

意一日引刀抉一目以示不二後二老繼亡殯葬無失禮教子遊庠守節五十四年而卒

黃嘉文妻蔡氏

台州府志名慧康熙乙卯寇變嘉文挈慧匿黃杜嶺為軍士所獲投以文

綺欲成婚禮遂於是夜拔刀刺喉死

王氏二節

黃巖縣志陳氏適王汝陽二十五而寡撫子興麟娶胡氏年十九亦寡陳曰我不幸

稱未亡人汝年幼無自誤胡泣曰幸有遺孕且安忍棄姑乎越月生孫輅姑慈媳孝共矢霜節

陳貞女

台州府志許字胡敏未幾敏卒敏兄世彥部衆搶女歸強欲妻之女誓死不從沐浴着孝

衣服涵死邑令甘國輔按世彥罪併為女轉申上臺表其閭

童氏二節

黃巖縣志王氏適童季龍生一子年二十九而夫死矢志守節子仲娶應氏仲亦早

逝撫子朝瓊朝珙錫侯皆邑諸生應氏年古稀孫曾遠膝能世其家

蔡氏二節

黃巖縣志劉氏適蔡雲客早世無嗣氏年二十九其妾梅氏年二十三矢志同守擇

親房子允璜承繼訓之遊庠

王興路妻鮑氏

公舉市實家於邑之寧溪康熙十四年耿寇至寧溪氏被掠罵賊賊愛其

姿不忍殺驅至北門上浮橋氏赴澄江而死逆流三十餘里興路得其屍葬之時年二十四

陳朝常妻車氏

公舉事實康熙乙卯耿寇至氏年十二被執抱子泣曰我死兒失乳亦

死然無可奈何須臾寇挾衆婦至趣氏就道氏罵不絕口寇以刃斷其頭血上沖文許子亦墜地死

陳士相妻江氏

公舉事實年二十適士相士相弟負罪逃匿縣役戴德捕之賙氏美姿容

遂令士相出捕弟而拘江氏於舟中以言戲之氏急投於江舟人救挽護之歸至夜德復潛入其室欲犯之氏持剪自刺其喉而死遠近執辦香拜奠時年二十二

柯時遇妻俞氏

楊興麟妻王氏

楊祚妻鄭氏

黃績妻符氏

施楨妻何氏

柯濬妻彭氏

蔡道煥妻王氏

應時榮妻王氏

應仕選妻葉氏

王錦心妻張氏

何羽岑妻周氏

符子重妻張氏

沈天象妻吳氏

張大麟妻何氏

范廷宰妻陳氏

顧國妻陶氏

郊大霖妻陳氏

朱康侯妻陶氏

林炳生妻楊氏

周琯妻應氏

徐大旺妻石氏

天台縣

宋

趙思瞿妻范氏

台州府志天台人思瞿卒氏年二十五伯兄念其年少家貧以微詞諷之

氏惟誦柏舟之詩繼之以泣兄乃止教二子咸登第有聲於時

元

楊善曾妻奚氏

台州府志通寧海楊善曾夫亡執節不二勤十指以奉姑至大年旌

郭貞婦

輒耕錄千夫長李集戍天台其部卒妻郭氏有令姿李心慕焉去縣七八十里有盜出沒

李遣卒往戍而日至卒家調之郭毅然莫犯經年載夫歸具以白一日李過卒門卒邀入治茶轉身持刀出李脫走訴縣縣捕葉案議持刀殺本部官罪死桎梏囹圄中郭氏躬餽食於卒久之獄卒葉姓者有意於郭乃顧視卒日飲食之卒感激入髓忽傳有五府官出決囚葉報卒知且謂曰汝萬一不保汝妻尚少子女纔八九歲奚以依顧我尚未娶肯俾為我室我視汝子女猶我子女也卒喜諾葉遂令郭氏見卒卒謂郭曰我死有日此葉押獄未有妻汝可嫁之郭曰汝死以我故我能二適以

求生乎既歸攜二幼出市召人與之邑人有憐之者納其子女贈錢三十緡郭具酒饌至獄曰君擾押獄多矣可用此少禮答之又有錢若干可收取自給我去一富家執作為口食計恐旬日不及看君也垂泣而出走至仙人渡溪水中危坐而死此處水極險惡竟不為衝激倒仆見者報縣為具棺斂葬於死所之側山下表墓曰貞烈至元丙戌宣撫廉得其事原卒之情釋之邑人亦付還子女卒終身不再娶

齊義妻郭氏

赤城新志義醢酒刺其千夫長不死事覺當流於廣氏以廣多瘴癘度義不能

生還乃歸其女於童氏送義郭門外額天而哭竟赴水死邑人收其屍則端坐水中顏色不變至正中旌表立祠以祀

謹按續文獻通考於郭氏傳末即繫之曰一說郭貞婦齊義妻也疑是一人但嘉靖浙江通志及赤城新志俱兩載天台縣志又載明齊義妻投學前水中死故並存之

裘善甫妻周氏

赤城新志善甫歿氏年二十九奉姑教子冰蘖自持至正年旌表

陳均鼎妻湯氏

赤城新志年十九適陳期年而夫亡無子撫姪為嗣至正年旌表

許釋可妻徐氏

台州府志夫歿氏年二十七子甫四歲以貞自持至正年表其門

聞叔寶妻姚氏

天台縣志年十八歸聞生二子叔寶歿奉姑孝敬訓子成立夏克復為傳

陶氏三烈

楊維嶺三烈傳天台陶明元之子婦王氏淑孟女宗媛季女宗婉也淑從夫宗儒爵

宜人丁未秋兵入台淑屬子傳姆曰汝以歸其父吾誓不兵辱即赴井死年二十八宗媛適里中杜

思綱思綱中流矢卒時姑喪在淺土夫又未葬忍死護兩柩為游軍所執媛不受迫辱兵加刃脅之大罵曰我若畏殺吾已去久矣請速殺我遂遇害年四十宗婉適里中周本歸未一月兵至攜一婢走池許陷溺一卒突至引其裾曰妻我免死婉念無以自脫指其婢曰可先妾之俟卒擁婢不為備即投池死

年二十二

狄恒妻徐氏

元史本傳恒早歿徐氏守節不再醮至正二十年鄉民為亂避難於牛園山為

賊所執驅迫以前徐紿之曰渴甚欲求水賊令自汲即投井而死時年十八

謹按於越新編載新昌崔恒妻天台徐氏事與此同舊浙江通志因兩載之攷成化新昌縣志亦作狄恒妻徐氏今據元史載入而芟去紹興之重見者

明

徐敬仲妻王氏

赤城新志名愛玉年二十二適徐期年夫喪遺腹生一子家貧甚其姑欲

嫁之王慟哭不聽事姑益謹姑亡教子克底成立卒年八十餘

戴用輝妻徐氏

赤城新志年十八適戴居六年生子宗珍夫疾革顧氏若有所囑氏曰君

念父母老及遺孤無托乎吾不即許君死亦以二者恐貽君憂爾用輝領之而卒氏居貧自力日供甘旨無怠舅姑沒喪祭以禮撫孤成立鄉邦稱之

丁守益妻楊氏

舊浙江通志生二子俱幼翁與夫以糧長遽死於獄籍其家氏與幼子獲

甯父母憐其無依欲再嫁之氏不從姑殁鬻衣供葬事紡績教子至於成人鄉人稱其賢

胡元啓妻趙氏

台州府志名瑗夫亡時年二十八無子姑吳氏亦早寡守志不移鄉人稱

為二節婦
曾榮有傳

谷氏

舊浙江通志小家婦也夫亡年二十三人欲娶之勿從乃詐為母家召及途昇者語實谷氏號

哭自輿墮地身陷汚泥中死不肯往昇者強致之乃給其人曰欲與君為夫婦須沐浴更衣主者如

其言遂閉
戶縊死

孫氏

天台縣志失其夫姓名夫亡隣人欲娶之百計不從里有老人年八十餘言頗為人所重隣人

令往勸氏氏留之飯曰家貧無以為款養一雞幾二年矣請烹之老人曰吾已持齋數十年安用此氏曰固知持齋今日易之何如老人勿許婦笑曰翁持齋十年尚不肯一日易乃欲移人終身之志

乎老人大慚而去邑令陳
袞亟加稱賞存恤其家

山口婦

舊浙江通志失其姓氏居山口年十八夫為
竊盜婦數諫不聽所得之物輒不衣食躬自

紡績謂其夫曰汝不改行吾有死耳既而
夫行不改如初乃以毒置餅中自食而死

陳音妻曹氏

天台縣志年二十二性嫻靜寡言笑事
舅姑孝嘉靖乙卯冬倭寇入境隨姑出

避與夫訣曰脫有不虞有死而已既而遇寇度不
得全遂投水中死寇驚駭而去其母王氏亦早寡

守節

龐氏二女

天台縣志龐貴女年十六龐豪女年十五
嘉靖乙卯冬倭寇殺掠至溪畔逐之急俱

投水而死

謝棻妻朱氏

天台縣志夫早亡撫幼子成家其姑徐亦早寡守志一家雙節

周端妻奚氏

台州府志年二十二夫亡無子與二妾同甘苦紡績資生年踰七十卒

元勲妻邢氏

舊浙江通志勲訓蒙以資生母梅氏偶得疾思肉邢氏割股和肉羹以進母疑

味異呼邢氏問已無淋漓昏暈矣縣聞中請當道歲賜粟帛給扁旌焉

葉銘善妻何氏

夏迪母李氏

裘崇暘妻曹氏

趙彥廣妻曹氏

戴欽妻劉氏

魯誠妻洪氏

王某妻魯氏

鮑崇寬妻楊氏

陳用儀妻范氏

許錢妻陳氏

張選妻潘氏

許鉅妻陳氏

陳游妻張氏

張朝貴妻嚴氏

陳所聞妻范氏

許墻妻丁氏

楊文佑妻鄭氏

許國臣妻楊氏

國朝

湯貞女

題旌冊天台湯士琰女受王夢雲聘未婚夢雲卒女年十六聞訃奔喪守節立姪為子朝

旨建坊旌表

夕勤十指奉舅姑守節四十年雍正二年具題奉

潘杓妻葉氏

題旌冊年二十二而寡事姑孝姑病篤氏割股療之立愈撫遺子煊嚴加督課

旨建坊旌表

守節三十六年雍正五年具題奉

湯亨韓妻楊氏

題旌冊年二十二夫亡子甫時事舅姑十餘年先意承志疾則侍湯藥日

不交晚沒喪葬無失禮守節三十八年雍正十二年具題奉

旨建坊旌表

橫山烈女

台州府志失其姓年十七未適人為海寇所掠逼之不從死於巔上

張元心妻楊氏

台州府志名聞玉夫卒楊年十九撫前子如已出治家嚴肅事堂上尤謹

郡丞李德耀攝篆天台訪節婦請旌氏其首也

陳氏二節

台州府志楊氏陳啓悟妻歸甫期月而啓悟卒偕其婢雲氏同心立節撫姪四維以

繼夫祀課廸有成郡丞李德耀以雙節請旌

陸必進妻汪氏

台州府志年二十三夫亡二子俱在襁褓矢志守貞孝事舅姑勤織作以

供甘旨同知
李德耀旌之

王某妻李氏

台州府志適王未期王傭象山以疫卒計聞一恸暈地家人力救始甦是夕遂

服滿而死

張亨碩妻金氏

公舉事實名朝麟讀書能詩嘗兩割股療母姑疾又置田周貧者人稱女

丈夫

瞿國選妻鮑氏

陳期奎妻周氏

謝明聳妻林氏

齊之仲妻許氏

陳治詠妻葉氏

張利昭妻范氏

桂惟榮妻裘氏

范家泰妻陳氏

姜人碩妻謝氏

陳錫璐妻張氏 蕭成標妻姜氏 朱楷妻葉氏

仙居縣

隋

杜氏二女

赤城志仙居人家鬻湯餅甫笄喪父母庖人挑之二女憤激殺庖人去而之孟溪隱

馬會溪
溢溺死

宋

吳氏女

萬厯仙居縣志年十八有殊色呂思囊亂亡匿山中呂聞其美緝獲之女給曰大王不棄

令辱下陳妾三生幸也然非獨吉不可呂從之諷日置酒極歡候呂醉挾匕首希斷其喉誤中肩呂

寤纏其髮於
柱支解之

張公德妻彭氏

台州府志仙居張華宗之子婦也華宗死臨江學博任公德早世無子彭

氏矢志貞守四十餘年會詔錄忠臣後封孺人表其閭曰忠節世家

元

吳氏女

赤城新志至元丙子兵亂父攜之避於山巷俱被執執者欲脅而私之女力拒不從於是

先刃其父以劫之女仰天慟曰吾父死矣我尚從汝耶卒死之

明

鄭氏二女

朝野彙編父恕蕭縣知縣靖難師至被擄死二女當配亦死之仙居建祠祀恕并其

女春秋
祭焉

戴彥信妻沈氏

仙居縣志彥信代父死沈氏尚少富家聞其美且有行求聘之沈曰吾頸

可斷頭可碎志不可
奪奉姑教子終其身

徐仲成妻裴氏

赤城新志仲成死裴年二十一遺腹生子以清節自守終始無二

顧烈女

應存卓烈女坊記名惜寶仙之懷仁鄉顧宏鈇女嘉靖中島倭入鄉女年十五未字隨其

父母離家避之行數里倭追偏之同行骨肉不能相顧女與使女阿香俱被執女美姿色賊操刀驅之甚急女私與阿香語曰予二人不幸罹此計惟一死耳白璧可碎不受瑕矣乃佯順之以紿倭行百餘步至小桐山側坐口湖層崖百丈旁矚深淵人不得肩行離倭數尺許女復語阿香曰吾得死

所矣阿香曰爾死吾豈獨生乃同投湖
中而死萬歷甲午題請樹楔於湖傍

應宗儒妻陳氏

舊浙江通志宗儒死二子曇昌尚在
襁褓有利其財者多方撓之值歲饑

氏指倉囤歎曰此禍本也悉散之家由
是貧而矢操愈勵有司以聞詔表其閭

張澄妻王氏

仙居縣志時城為倭陷澄以身捍父被
難王氏方少艾孤二長榮朝次榮敬遂

矢志以守當兵燹後田廬邱墟氏內課農桑外理
滌役訓二子成名榮敬之子存泰媳亦王氏泰不
祿無嗣王氏亦
苦節終其身

張惟本妻陸氏

仙居縣志名璵惟本卒氏年甫二十
課子宗德宗宏以義方姑吳氏亦少

寡撫惟本成立而不祿不勝哀楚陸多方致吳歡
令得引餘年其後裔孫鍾碩妻徐氏源慧妻朱氏

相主妻陳氏相組妻應氏並青年苦節有陸氏
風而朱食貧守子子死守孫允稱百鍊之金

尹德袞妻吳氏

台州府志年十九適尹二年袞死遺孤方一歲父母欲奪其志曰是利吾

蝨耳悉以嫁時衣飾還之以死自誓舅姑繼亡室如懸磬苦節彌堅

張源沂妻王氏

舊浙江通志年十九源沂死無子立志苦守壽踰八十而卒源沂弟源澧

妻林氏姪相道妻蔣氏俱以少寡守節撫孤成立

吳炳用妻潘氏

台州府志年二十二炳用死一男三歲亦死舅姑欲嫁之曰吾知有夫安

知無兒臥夫棺側者二十年侍姑疾手掬臭穢無難色倭寇薄城其兄弟邀與俱逃曰有舅姑在吾忍去乎於是兄弟昇其舅姑行潘徒步從之又炳用族弟炳徵妻金氏炳徵死金年二十三撫遺孤

事舅姑盡孝炳用姪時永亦早逝妻金氏年十九遺腹數月撫育成立俱無媿於潘云

吳錫年妻王氏

仙居縣志年二十五夫卒一慟而絕移時復甦集族長者為夫立嗣事畢

從容自經於棺側邑令顧震字扁其門曰貞烈

張元向妻趙氏

舊浙江通志明亡被俘至河埠溪兒口聞夫已見殺嚙指血題一絕於衣

問遂投河而死

暨仁壽妻王氏

林世珍妻應氏

蔣伸妻王氏

蔣弼妻王氏

蔣熠妻張氏

張桴妻尹氏

應賓妻鄭氏

王懋統妻朱氏

吳元龍妻蔣氏

張日煥妻余氏 張堂賢妻顧氏 蔣漢臣妻李氏

王懋學妻余氏 張義時妻吳氏 趙佳球妻朱氏

趙叔仁妻張氏 王懋斗妻余氏 朱君偕妻趙氏

國朝

吳金妻顧氏

台州府志仙居顧平泰女年十六甲寅寇變避難湖頭被獲以計始之得間赴

水死又余廣生妹名錦娘被獲自刎死葉茂陵妻余氏與茂陵訣隨以手扼喉而死

徐氏二節

台州府志張氏徐洪蛟妻家徒四壁洪蛟病革顧謂張曰我死汝青年毋自誤張泣

不答剪髮以示志子秉志妻陳氏亦年少守志邑令鄭錄勲以雙節表其閭

趙氏二節

台州府志張氏趙廷亨妻年二十八而寡與妾連氏同心守志備極艱苦

吳廷蘭妻張氏

台州府志歸未期廷蘭卒舍殮畢啓篋檢奩具或歸母或奉姑或遺小姑

及諸娣如潛作手書置篋中夜半自經於棺側

趙某妻朱氏

台州府志朱錫聰妹歸趙年二十五而寡斷髮自矢媳張氏亦早孀事姑孝課

子有方年皆七十餘

張鼎燾妻徐氏

張世楷妻王氏

應洪憲妻王氏

潘席珍妻李氏

應洪翀妻朱氏

張悅生妻應氏

寧海縣

唐

汪氏女

赤城志寧海人苦節不嫁勸織以奉其親親好飲湖水其家距湖五里女日汲以供之親

毀建塔報焉

宋

周良史妻施氏

台州府志四明人歸寧海周良史明年良史侍父適日本三月而子弁生

後七年良史計至氏年二十二先此里閑未知讀書施氏始教其子求良師友訓誨之後舉進士政和年旌

元

任仲文妻林氏

元史本傳家甚貧年二十八而寡姑患風疾不良於行林旦暮扶持惟謹

撫育三子皆有成年一百三歲而卒

陳公武妻應氏

寧海縣志年十七而嫁明年生子而夫亡父母欲奪其志應涕泣不食父

母遂不復言子復元長通儒術克紹先業至正間郡守以聞

張德遠妻董氏

台州府志夫亡不嫁子原度娶陳氏原度早喪陳亦誓不他適姑婦相依

族里稱張門二節

林可企母方氏

宋濂林貞婦墓誌名友弟年二十歸可企之父時舅已歿惟姑存越八載

而生四子夫亡里有豪士欲乘其孤嫠凌之氏卒能樹其門弗墜姑年八十氏保之如嬰兒無毫髮

忤意訓飭諸子從師問學至成立皆為之授室卒年八十二

陳小元二女

赤城新志長壽年二十次瑾年十六皆在室至正十六年盜劫縣治二女皆為

所得以刀脇之女大罵賊知不可屈揮刃擊瑾死壽被重創僵臥畎畝中賊乃退

梅霍女

赤城新志年二十一未嫁至正十六年賊犯境避難西溪遇賊欲污之女罵不受辱為其

所害

明

許瑜妻季氏

嘉靖浙江通志名添瑜為盜所害氏抱幼兒從舅氏董仲載走慈溪悲號推毀

或累日方一食仲載欲再嫁之氏泣曰吾寧抱兒還許氏使盜殺我不能事異姓也仲載乃不敢復

言後三年盜敗氏始歸治田廬
資其孤從學為名士年七十卒

薛孟釋妻章氏

赤城新志洪武中孟釋觸禁逮治京
師死獄中婦年二十九聞訃欲死者

再已乃躬績紡以養其姑教
其子登進士年七十餘而卒

方孝孺妻鄭氏

遜志齋集外紀寧海處士鄭與黥女
洪武壬戌歸孝孺克循婦道奉祖姑

葉至孝生二子長愈次憲生二女長貞次淑建文
帝即位馳驛徵孝孺禮遇特隆氏率子女歸里躬
紡績以課讀壬午孝孺被
難詔收鄭先期自經死

方氏二女

兩浙名賢錄正學先生之二女正學死難
時二女未及笄被逮過淮相與投橋下水

中死

魏氏

赤城新志正學先生子婦也洪熙中赦還立方氏祠堂以奉祀冰蘖自守以終其身

葉貞女

台州府志許聘汪某永樂初某以事械繫至京瀕行葉請於父召某見之某謂曰此去若

不還君歸他族矣葉曰還不還汪氏婦也某死京師父逼女他適女曰初欲見者正為此也堅志不

從年八十餘卒

吳貞女

台州府志許字任畧畧以攻苦成療吳請於父母命侍女朱氏代候侍寢者數月因娠吳

知之私喜既而計聞請一趨哭遂育孤以終婦道朱亦同心撫育壽七十餘卒曾孫大治登進士上

疏請旌

郭仁壽妻王氏

名山藏名珍仁壽入台城歿旅舍氏聞慟絕數四喪至庭撫棺一號仆地

布苦柩側卧不解衣者三月取石為枕石有稜當枕處肌肉成創創液浸淫如是三年在家事父母亦至

孝

儲觀選妻王氏

石簡王氏貞節傳生子綽三歲而寡時年二十二後姑私若女不利有孤

父懼弗終欲嫁之氏誓曰儲氏不絕如綫有此孤耳母去孰與撫有死而已父乃已孤嘗兩遭毒皆幾絕復蘇八歲令就傳讀書蚤夜孳孳以禮義廉恥是勗故綽遂以謹愿聞

葉氏三節

寧海縣志傳氏葉大順妻年二十二夫亡無子媵黃氏有娠數月里中强暴者欲强

委禽焉傳與媵同還母家既而媵生子傳抱兒還家徧告族人曰大順有子矣於是與媵閉門紡績以撫之子彥濟既長走白其母節於郡卒於途傳與媳應氏二世三孀形影相弔聞者哀之

章佐妻周氏

舊浙江通志倭掠境周攜幼子與夫避山中遇賊刃其夫擄周往不從罵賊死

華棟妻陳氏

舊浙江通志年二十甫娠四月而棟亡生子瓊撫之成立生孫三人而瓊又卒

凡所以鞠其孫者倍瘁於前嘉靖間旌門

胡秉色妻鮑氏

寧海縣志年二十五夫殞遺孤二一方二齡一僅三月家貧辟蠶易粟餽

子而自食糠粃或累日飢餓或冬月葛衣晚年尤艱苦勵節六十五年

石三妹

寧海縣志邳州判官石節女年十四隨父任以艱歸舟出儀真江口遇賊劫掠檢其行李

無所得傷節首欲刃之三妹亟抱父哭悉脫簪珥與賊節獲免執三妹欲污之大聲罵賊遂投水死儀真人為之立祠河口祀焉萬厯戊子立坊表曰旌烈

胡三姊

台州府志許聘奉邑庠生王繼美聞繼美逝即矢志不他適後宋氏子來議婚父母欲允

之三姊痛哭曰兒生聘王死從王可也父母姑嫂屢諭之不從日夕飲泣絕粒而逝時年甫十七

楊曠妻金氏

寧海縣志曠歿無子金時年十九姑令改適氏誓守紡績膳姑迨姑亡淚皆流

血死而復甦者數次隣火延燎金撫棺大號忽反風火滅卒年七十四

王萬儀妻趙氏

舊浙江通志夫歿欲自絕衆憐其娠合力勸甦氏因俟分娩以決死生及

彌月生女一慟而絕

童釋卿妻羅氏

趙文遜妻曹氏

朱捨妻徐氏

董瑞妻朱氏

王良輔妻袁氏

吳克亨妻周氏

董汧妻陳氏

妾金氏

胡允偉妻王氏

戴欽妻劉氏

儲歡妻王氏

黃沛妻周氏

楊佳妻華氏

俞嶧妻陳氏

王補妻潘氏

王南妻黃氏

王柱妻包氏

鄭守對妻汪氏

鄭允寬妻葉氏

趙廷謙妻楊氏

金大節妻華氏

徐啓妻魏氏

鄭浩妻王氏

儲世通妻屠氏

呂拱妻鄭氏

李允誠妻呂氏

陳應乾妻王氏

董世梧妻吳氏

田畫妻王氏

孫永潯妻洪氏

洪卜觀妻石氏 俞適道妻胡氏 葛才俊妻馮氏

石有聲妻胡氏 金文燭妻錢氏 金夢環妻李氏

穆君英妻王氏

國朝

董應鯤妻陳氏

題旌冊夫卒氏年二十七遺娠兩月生一子乳乳無倚艱苦撫育至於成

立守節四十餘年

錢應泉妻項氏

題旌冊年二十九應泉客死上有老姑年九十矣氏迎櫬歸葬勤織經易

粟奉姑扶持左右守節三十餘年 以上二氏俱雍正二年具題奉

旨建坊旌

表

俞氏二節

題旌冊俞應宰妻楊氏子昌洽妻章氏楊年三十而夫亡事舅姑撫子昌洽弱冠遊

庠章年二十七夫亡遺孤之詢方五齡誓死奉姑撫子人稱雙節

吳啓取妻葉氏

題旌冊年二十七夫亡上有孀姑下一子一女孝慈兼盡守節三十六

年

田汝熙妻王氏

題旌冊年二十六夫亡撫子成立守節至八十六歲而卒以上四氏俱

雍正六年具題奉

旨建坊旌表

戴象彪妻胡氏

題旌冊年二十七夫亡舅曰爾青年止生二女家貧無依不如改適氏泣

曰夫為獨子夫死則侍奉妾之責也敢有二心於是繼從姪為子紡績養舅舅歿鬻衣飾以營喪葬事畢歸倚母族為子女婚嫁守節四十五載雍正七年具題奉

旨建坊旌表

陳一元妻儲氏

題旌冊年十六歸一元生子珍甫數月夫亡氏年十九時姑已早喪舅

年七旬母又孀居失明無所依氏忍死終養人稱其孝鞠子有成守節四十年

鄔氏四節

題旌冊鄔翼翀妻楊氏及其子令申妻石氏孫鑄妻方氏鎔妻陳氏翼翀卒楊年二

十九時海氛未靖流離竄匿氏能以智自全撫子孫三世守節六十二年年九十一而終石氏年二十五令申亡遺二子鑄鎔皆幼事孀姑撫後嗣能繼姑志守節五十年年七十五卒方氏二十八而

寡陳氏二十一而寡各遺一子鄒氏自翼翀以來三世早夭一堂四寡遺孤孱弱存亡未可知族黨利其產者咸耽耽虎視二氏持己益嚴奉兩世孀姑益謹保護兩子益力陳守節三十年先伯如卒方守節四十五年以上五氏俱雍正九年具題奉

旨建坊旌表

錢福臣妻應氏

題旌冊年二十九而寡事姑撫子守節二十三年

陳苑妻李氏

題旌冊年二十六而寡事尊章至孝姑老齒豁氏每食盥漱爵物以進經七載

氏不以為棄姑亦不以為嫌撫四子俱成立守節四十四年以上二氏俱雍正十年具題奉

旨建坊旌表

董佐堯妻徐氏

題旌冊年二十夫亡舅早喪姑病奉侍湯藥歷久不懈沒則鬻衣飾營喪

葬無子撫二歲姪錫圭為後紡績自給守節四十一年雍正十三年具題候旌

褚烈女

寧海縣志褚宗領女年十六康熙十五年六月海寇掠女與其兄去欲污之女紿曰釋兄

我從汝賊縱兄登陸女厲聲曰吾不即死者欲全兄耳豈從賊耶遂躍入海越三日屍直浮於門前

港服飾整然面色如生昇歸葬焉

鄔繼運妻楊氏

台州府志年二十五夫歿子亡族戚勸之改適楊泣曰寡姑無依亡夫無

祀有死而已忍棄乎遂抱夫兄幼子重光撫孤承祀養姑終身歷貧苦變亂而不易邑令旌之

儲應參妻蔡氏

台州府志年二十五夫亡遺娠五月食無越宿或諭之改志蔡誓死守節

紡績以供衣食育子

元忍事蔡亦盡孝

金城妻郭氏

台州府志年十九生子甫四月城卒舅姑欲奪之郭誓不再嫁年六十二卒

陳夢龍妻孫氏

王廷妻項氏

錢子臯妻呂氏

太平縣

元

馬祀妻盛氏

台州府志太平人生一子一女而祀死氏年二十八家貧養姑夜無燭常從闇

中導其女紡無一縷素亂子琰僅能言卽口授書句竟至成立

明

陳舜章妻王氏

太平縣志王靖學妹因兄遭革除之難遂自縊死軍其子泰於羅龍衛舜

章亦義不再娶萬厯間巡撫范奏免泰軍泰之後裔仍回居屏下祖宅王氏從祀忠節祠

丘鏘妻謝氏

太平縣志年二十二鏘卒止一女無子其母欲嫁之氏以死誓妯娌有以利害

動之者輒以大義拒之皆愧赧而退家貧甚紡績自給考功郎李茂宏高其行求其女為子謨妻

金如珙妻陳氏

赤城新志適如珙七載而寡無子斷髮繫夫臂誓以同穴葉士冕作苦節

傳又金敬修妻施氏在室時到股愈父疾及歸姑遺疾亦到股以進而愈葉士冕作孝婦傳

王義寅妻陳氏

蔡潮義虎傳年十七配義寅七載而舅姑與夫相繼卒遺孤雲方在襁褓

有豪家欲娶之不從羣不逞利所賂與豪議劫之謀既定夜半將入門忽有兩虎自山而下咆哮震

地羣奸各散去兩虎守節婦門天明
始去令劉弼上其事於朝旌其閭

謹按舊浙江通志及台

州府志作王寅良妻

王崇仁妻潘氏

舊浙江通志生男槐而夫亡潘年二十三撫孤成立婚娶生子已而槐亦

亡又撫其孫熾成

立年九十九終

趙氏偃

赤城新志趙貴之妹貴妻梁氏不孝其姑姑將聞之官梁氏懼罪自縊死梁之兄弟大怒

將縛貴而甘心焉貴走匿乃逼偃欲奸之偃力拒不獲遂亂毆以死

嚴雲

太平縣志年十六許嫁鄉人鄭某未婚而夫亡其姑嫜欲以夫弟接婚父母利其資聽委禽焉

歸有日矣雲給以入內梳櫛遂自經死方景暉記其事

葉台妻張氏

台州府志張涵女幼許臨海葉台涵死時氏方四歲比年十五台入贅明年挈

歸氏兄無賴詐稱妹曾受其妻黨陳閑之聘太平令俞咨蓋受囑械台至氏因懷孕不至令斷氏歸陳獄成報郡如縣讞台貧無所置辨次日當解氏密藏小刀從容拜辭舅姑解役促之登輿不數武以刀三斷其喉而絕聞者無遠近皆以辦香弔之即為建祠刻其像眉目清列皆木理自成至喉下木文亦裂深寸許若刀痕狀後燬於火重塑之而裂如故萬厯時事也

朱四妻吳氏

太平縣志年少寡父母欲奪其志赴水死其里有祠

吳材官妻余氏

台州府志海鯨至為賊所獲以首觸階而死當事哀之給貲葬焉

葉氏二節

太平縣志葉應符妻王氏年二十守節其孫恒覽妻陳氏年十七守志有司旌之

葉忱妻施氏

太平縣志年十九夫亡居貧守志父母勸其改適泣天自誓始終一節年七十

終一

鄭氏二節

太平縣志韓氏適鄭永廣生子懷玉懷瑁而永廣亡自二十五守志四十餘年懷瑁

娶金氏年二十七而夫亡其昆弟欲再字之金堅志不從會天大風迅雷聘者折其舟楫遂駭而返

邑令顏其門曰雙節

蔣江童妻朱氏

趙鉞妻葉氏

李霞妻趙氏

謝興毅妻金氏

高瑞表妻陳氏

王新妻金氏

邱械妻吳氏

項貴妻潘氏

劉某妻江氏

徐某妻孫氏

蔣平夫妻葉氏

蔣存清妻林氏

柯上妻葉氏

妾孫氏

趙幢妻林氏

陳攀妻朱氏

金成岳妻林氏

陳繼曾母賞氏

柯易妻王氏

高于道妻葉氏

林世博妻陳氏

張大桂妻薛氏

金大召妻林氏

媳李氏

葉思植妻羅氏

江聖培妻張氏

張元德妻章氏

洪某母石氏

金大秀妻李氏

王惟叟伯母林氏

蔡項妻胡氏

丘桂妻張氏

王擴妻陳氏

王朝比妻唐氏

丘世汪妻林氏

趙順妻金氏

趙鈴妻金氏

國朝

陳君翰妻丘氏

台州府志海賊至丘同羣婦匿山中
被獲欲污之不從露刃脅之丘即引

刀自刎死猶僵立逾時
賊退其夫覓至乃仆

林貞女

台州府志名月汀許字丘茂匡未幾茂匡卒
女聞訃欲自裁父母防守之遂盡散其衣飾

請歸邱父母見其志堅許焉時茂匡祖父俱在
堂上奉重闈治家嚴肅巡按王元暉表其閭


張禹鼎妻段氏

王士奇母朱氏

吳廉妻張氏

王秉太妻蔡氏

柳立然妻吳氏



浙江通志卷二百十一